

樂全先生文集卷第三十六

神道碑

故推誠保德宣忠亮節崇仁協恭守正翊戴
功臣開府儀同三司守太尉致仕上柱國許
國公食邑一萬八千四百戶食寔封七千六
百戶贈太師中書令謚文靖呂公神道碑銘

并序

皇宗受命光宅天下唯上帝願保世賚良弼在太宗
朝有若呂文穆公蒙正率循太下乂寧王家克左右
亂四方以底綏大業 聖上績服有政元宰太尉許

集賢堂集 卷三十一
公寅亮一德謨明修輔荅揚 祖宗之謨猷以緝熙
于光明此所以持盈保成重雍累洽隆無疆之基者
也公諱夷簡字坦夫文穆公之從子太嶽之後流光
源遠大王父夢奇唐兵部侍郎北京副留守以文穆
貴追贈太師王父龜祥以殿省丞守壽春有善政沒
因家焉考蒙亨嘗舉進士禮部奏名處高等方從元
執政嫌不就廷試後選集吏部銓得引對 太皇頤
判銓王旦曰某佳士奈何以蒙正故抑之旦曰此其
文學政事有過人者即授光祿寺丞改丞大理無祿
早世公登台司追錫命三代並至開府儀同三司中

吳興陶氏鈔錄

書令兼尚書令封齊祁魏三國咸平三年 章聖始
御便座閱郡國貢士公以進士擢第解褐絳州推官
再調益城監判官將漕以幹局聞就遷大理丞權定
益筭度署西溪大儲放利會詔舉六科以才識兼茂
試政事堂屬將封泰山或言非訪闕政時因例報罷
出倅通濠材譽日冷 章聖識其名濱城並河水羨
溢為害寇萊公鎮魏請擇守于朝 上諭宰司而以
公行到郡循隄防究民利病平由省賦拯諸墊昏暇
日閱征簿見田鑄之筭曰先儒有言王道本于農此
何名於表請除之朝廷推其法天下自是農器無征

太尉王文正當國深器重公時王沂公曾在西掖文
正嘗從容問沂公頗知呂濱州乎曰聞名舊矣太尉
曰他日成天下之務者斯人也君善交之後公竟與
沂公同當鈞軸徙兩浙提點刑獄時緣瑞符繕靈宮
上所嚴嚮貴樞督作外希風旨趨期副會徒役斬材
或殞材壑吏輒以亡命聞而囚其孥公具條曰採伐
為緩棧木浮河調夫挽送方冬水涸暴宿河埭公請
一切散遣須春流番兵更還陛親面承慰獎擢刑部
員外郎知御史臺雜事賜五品服教治詔獄聽訟事
閱寔明辯當此平恕天禧旱蝗祆民驚譁屢奏謹言

吳興陶氏鈔錄

指陳變咎公之論事婉而正辯而裁通而易從不崇
空語以干浮譽故人主樂于聽受嘗臨諭曰卿言朕
自主勉毋悼害復因占對稱旨特寵金艾近姻除中
丞換起居舍人領通進銀臺封駁從官小會必蒙特
召後亦不得以為例也每上前目送注意殊渥內
史缺丞相進名而不及公帝曰某呂固宜此選公
適持金絮使臨湟命虛員以待復節除兵部員外郎
知制誥俄授刑部郎中龍圖閣直學士知開封府都
邑務劇尹正才難擊斫者雜中善良循恕者并容姦
蠹公之為理雅得其術威而不猛寬而不犯機芒不

施倨橐自破治政清淨府廷肅然逮今言尹京之政
公為吏師 今上踐阼優除右諫議大夫永定甫窶
內璫徙筮山辭連冢司詔公馳驛覆視初陵既復同
軌如期 朝廷曰能遂以給事中叅知政事自 章
聖愆豫希見大臣翼室宅宗房闈助治二府機政稍
復壅闕公時判禮儀事請親戶牖之聽以分帷帟之
重柅絕矯漏用周幾微綴衣移御即請罷天書儀衛
納靈文方中闔然日章其慮遠矣 祐主登祔 章
獻慕往本室器服欲如事生公執禮文竟循舊典東
朝叅決抗尊當宇裁絕儀物無溢等數事規諸萌務

吳興陶氏鈔錄

全王體進貳六職歷小宗伯小司徒毗贊七年遂正
宰席領景靈宮使集賢殿大學士一心百慮知無不
為推選名儒增設講員敷經 上前導以典學每奏
事之間輒引經史稱古昔以諭哲愚日新發于啟迪
玉清災議止繕營因表謝宮使加吏部侍郎昭文館
大學士監修國史登祔三階公自叅貳兼掌國策合
三朝之載以緒成大典至是史成凡預筆削率被遷
賞公前事確讓特蒙褒許久之拜中書侍郎兼兵部
尚書復辭都兵 章懿之即遠也 獻后俾為葺塗
且無變朝夕公請襄事如禮司天探旨撓以拘忌

獻后遣謁者扶日官使公裁公執大義不可奪卒制服發歿考吉日備宮仗葬近原以究卹典禁築春宴獻后命無廢會公因啓而罷輦幄額威龍德務晦懿不待養弗言而毀得伸情禮繫公將順且念輔臨之久而虞倖密之間規中造膝事為之_鑿自此至尊舉息皆章惠躬蒞簡用剛銳任之言責協規交警俾懽后心欽承二宮周旋十年內無隙言外無異慮孝慈篤至固由上聖之姿左右彌縫抑自嘉猷之助天聖保定公寔勤正禁城火領使庀作落成進右僕射兼門下侍郎時二駕復新宮肆大青恩軍內外特疇

吳興陶氏鈔錄

公勞而加異數公請均同列懇讓不拜止以吏部尚

書兼鸞臺

獻后登遐

上念

章惠擁翼之勤褒

上崇名著之遺札公以漸不可長丞白刊誥止奉保

慶之冊以揭大明之詔時王路方正乾剛獨運摠發

健粹始初清明公手疏七條以端治本杜宣授止中

畫斬側門之貢絕刊章之弊天下聞聽廓焉更新永

底烝民之生則惟我后之德衮司十稔深懷抑畏頓

首上前祈避重位制授武勝軍節度使同中書門下

平章事判陳州將行燕見願得上三年計帝曰行

矣半歲其還相余公之在朝也蓋聖人之心易然而

無天下之憂公之不在于朝也則聖人之心慊然若無與屬其天下至于朝議塗說成企公歸如期而召復冠衡鈞修明治方綜覈名寔自左右常任準人牧夫俊又在官本于訓迪光天之下至于貊蠻之邦但見魏之尊如天之覆美利所及日用不知惟景祐之平康則燮諧之績用若乃並侑三后著不祧之式以顯揚文武之烈崇建中壺尊順成之體以嚴對宗廟之重其糾陸公族也則官之環尹以別庶姓勗之講學以納軌善其章叙庶工也則陞之類舉以合公論集之朝即以嚴班制伸理誣枉若寇忠愍之比悉

吳興陶氏鈔錄

及昭恤紹續功舊如潘武惠而下咸加甄叙此又贊襄餘類推廣德澤一大較也若其沃心話言極深研幾鑿密不出莫恚聞已景祐二年拜右僕射冬至上享帝于陽丘封申國公三年表六上納政手札譬止次春復五上天子重違冲旨命以鎮安軍節度使檢校太師同平章事判許州在許二年而憂戎判公聞之曰嘻維羽翼成是必颺去吾恐謀國者慮害不深事失機先必致朝廷旰食已而如公言卒至絳擾天下被其勞故徙公鎮魏固河朔心公比當衡每籌邊奏揣虜動靜効如在目前及此過覲手詔問策公

備陳西北守禦利害朝議賴以適從至魏浚城洹除
罷備審倭壯籍蒐補其缺番休訓肄聲懾戎境大河
之北長城岌然康定元年五月復召輔政悉仍舊秩
騎寇犯塞赤囊日至公慮屯戍之久生佗盜心于是
始議營北都城鎮寧以謹北門之閉募民兵增州防
以重庶邦之守三邊守宰悉從擇遣俾綏凋敝諸府
裨校間為召見使知感歡夜思而得旦請而行已而
北人來渝平山東飢多盜備預有素恃而無虞冬郊
改封許國公特拜司空堅謝得允上惟文武之柄
付倚在公倘計議不齊則事功難集下制兼判樞密

吳興陶氏鈔錄

院事公以二府之舊相均為重啓辭判摠止兼使名
上體愛人之心密講和戎之畫數下恩旨切勅邊吏
內保疆場遏其侵軼外推信義示之綏懷意在我守
有餘賊勢自殆而後可與維新矣後諸路防禦益嚴
夏人通款納誓訖如公策慶曆三年季冬甲寅夙興
將朝遂感瘧眩上憫公勞瘁至忘其身詔除司空
平章軍國重事聽三五日一入累牘遜免朝機邊畫
就第咨訪勅就開寶浮圖設道會祝公延壽御府出
萬金藥上剪髭和七以賜至有移席朕躬之諭遂
再辭位中旨斷表三年三月召見延和殿俾騎及殿

靡以不良行願內侍輿以前固辭更給扶命無拜面
謝哀薦慈哀惻然冊拜司徒猶監史閣軍國大事尋
致軍國之議頻表請老乃以太尉致仕朝朔望班等
丞相使璫密札軫問無虛月公世葬鄭原既得謝如
鄭展墓郡以疾聞詔使馳餉藥奄而已不及春秋六
十六薨問至輔臣方奏事 上爰發聲謂左右曰乃
心國家而任大事如呂某者可復得乎病不就訣歿
不臨酌吾恨何既死感悼不已為制服苑中哭之甚
哀不視朝三日贈太師中書令禮官考行謚曰文靖
比葬內密四致奠賻賜累千葬日復廢朝有以見大

吳興陶氏鈔錄

君元臣感通契會同德一體恩榮始終之極致者矣
其配秦國夫人扶風馬氏太子少保忠肅公亮之女
婦體順而正母道慈以嚴公在許昌夫人以歿及鄭
展墓也且將葬夫人卜有日矣而公薨即以慶曆四
年十一月壬申祔于新鄭陪先兆君子以為知命七
子公綽兵部員外郎史館修撰公弼度支員外郎三
司監鈇判官公著公孺並太常博士擡行器識儒學
吏用維其似之必復大顛公餽贈右贊善大夫餘早
夭二女長適司封郎中雍文正公子也次不育公性
莊重有儀矩然毅望之而姿宇渾厚即之溫如而神

采英發才全道周用無常器踐歷臺閣綢繆廊廟一
話一言莫不留為故事有猷有為莫不著為令典不
潔名不矜勞敢任天下之怨不敢有天下之德至于
風郡國建學校以廣教育之本循貢舉張六科以大
昭延之路志在得士為邦家基推賢援能彙征于朝
有自常叅同時宰延人物濫鑿賞別精裁其品題初
若未盡者已而果然善合羣德慮考用衆長樂道人
善而忌嫌惡難待微者若亡貴賤之間以延盡下情
其接僚友周而不比寬而有辨其事上直無而拂順
而能守其殿邦撫民條教明使人便安而下不敢犯

吳興陶氏鈔錄

其在朝位若不勝其恭者退而燕居恂恂如也與季
氏宗簡尤為友愛休暇相對談名理之蹟不及公家
之事而又敏學多聞精識強記殫簡冊而備究經耳
目者不忌厲辭雄瞻長于理道朝廷典冊多出公
手至于文史之學名法之書當世所行率公考正非
夫命世之稟生人之傑安能得言並立功名兼幼如
此其章坦也宗簡惟古之君子論諛其前人之美以
明著于後世禮之大者故推諸孤之志舉烝彝景鐘
之義以請于上有命史臣俾敷揚其休烈康許公抑
所以表其子孫也銘曰

天監有宋	世祚明德	能哲而惠	以熙袞職
考齡厥相	用康保民	式克欽承	相惟其人
其人維何	文武許公	寔經大猷	股肱王躬
帝視公視	帝聽公聽	有翼有為	訐謨賦命
信默未言	弼諧二尊	如樞如衡	如麓如墳
嚮明專治	啓發健粹	秉國之平	遵王之義
百揆四岳	庶政維和	六府三事	九功可歌
于蕃許昌	執尸鼎鉉	以速寇戎	不難廟筭
公體慈旨	請寬叛刑	勅邊謹守	戎卒來廷
三冠泰階	再擁方鉞	忠勞則多	恩禮亦絕

吳興陶氏抄錄

曰師曰公	名器之隆	于申于許	山川之封
二十三年	盡瘁王室	納政于上	請老似佚
臨雍未拜	熒圃言歸	古有知命	公乎庶幾
訃奏來聞	上哭之慟	蓋隱家邦	摧此隆棟
爰命史臣	纂揚丕績	陵谷有遷	音徽無斁
儀同三司	太子太傅	致仕上柱國	隴西郡開
國公食邑	八千一百戶	食寔封二千	四百戶
贈司空兼	侍中謚文定	李公神道碑	銘并序
慶曆七年	冬十一月	壬子元老	太子太傅
致仕隴西			

公薨于京師有司以聞上惟先帝睿公忠厚任大節而屬之以政傳導儲卹願託之意甚重又惟公德羨之益弼亮之勤隱恫之深為廢朝遣內司賓臨奠于位賜恤異于他公故事祿以司空侍中章紱太常準功行異名文定越庚午愴帷就引內使典喪以返濮上越明年閏正月丙午葬我文定公于鄆縣城之鄧侯鄉越三月申命史臣諡揚休烈表之神隧益恩禮始終備已按牒公諱迪字復古先世自趙徙燕大王父在欽以武林仕范陽軍迨唐季之難渡河樂濮之風土營家老焉遂徙名教為衛人以公貴贈太師

吳興陶氏抄錄

太傅令珣有知畧初粵人間湖湘之亂盜取彬連周保榘朝歸公為桂陽監史建策復二州逮藩尹弔伐師竟道連以絕嶺俘劉鋹終庫部員外郎三司戶部判官贈太師中書令考護明經術名法以御史推直使案蜀獄歸節因言陝部多連繫逮糾紛連太皇為遣傳理出之召對苑中問蜀故中意賜朱紱終國子博士知德州贈太師尚書令蔡國公曾王妣潘氏王妣楊氏白氏妣邊氏繼母劉氏追封魯韓燕陳魏五國太夫人公學通古今深博有大度初從河東柳先生游每覽公文章未嘗不稱善語聞人張景高弁

曰復古乎輔相器也且陶冶生輩矣賓興至都士皆
目屬之禮部奏公第居下及廷對天子擢居第一召
見容止嚴重姿表甚偉釋褐除將作監丞通判徐州
兗州召試翰林遷著作郎直史館入謝加緋魚尋充
監鉄判官屬議東巡命二輔臣聯判秦寧經置封事
以公貳之公始倅充嘗言萊蕪治廢不鼓第由民輸
鉄課凡高貲家率以治敗至没入田產械繫孤娶請
罷治賦大農張空簿計文不改公議格及是慙為魯
人請勒封肆青竟命除之稍遷右司諫徙知鄆州召
糾都獄改右史江淮飢甚朝廷憂之授公安撫使俾

吳興甫氏抄錄

以從宜便事公到部督吏課徹徭賦通關市散利已
責賑廩勸分勞來安集所以救荒之術甚設雖窮鄉
知上恩意之及故年雖大殺民罔蕩析牢無縲繫
野無救數復命遷宰士造銅益錫服三品未幾擢掌
誥命車駕祠瀨鄉陞毫為集慶軍以公領州事譙境
蒙幸復除公為均節其嘗預調役者加優焉故禮成
旋畢譙民忘勞郡介京東西淮甸之交通慝之衢地
有盜以橫或盡操杖入城邑陳蔡潁壽皆警縣鄉荒
閱至出庫甲捕擊久之公謝還禁兵緩追罷購盜益
自寬微得其區橐陰簡驍士農商服而匿諸蒙館盜

相翔稍集掩格殲焉為正封圻疏溝瀆屢見善祥而
歲大穰代歸 章聖以治毫之政勞勉久之公頓首
謝會邈川犯秦隴邊遽相及召對長春殿 上曰雍
關中根柢卿有方面才吾斬君重鎮撫之即以諫議
大夫集賢院學士知永興軍府陞辭 上慰諭且召
君無嫌行也尋除本道都轉運使詔赴秦庭按邊馳
度隴行諸屯拊循吏士謀離種豪以解慮謀繕築堡
障守杜要害因與曹瑋圖上方畧未幾果召還禁林
充學士特蒙眷禮 上欲時見公俾領審刑每奏決
讞輒見止訪以機政嘗出沐內璫亟召對於側門語

吳興自天少錄

及洮戎曰吾屬曹瑋秦州謂足辦緩急比緣羌變湏
濟師 未出請上郡章殆難以持重君其為吾謀帥
公徐對曰騎寇剽捍畧從諸小種勢甚張即入塞而
秦州嬰城以守何以懾戎狄戰則兵不足瑋所以數
告也瑋沉勇有謀威信著扞邊擒敵無易瑋者時方
議崇上帝徽號 上意難于出車默然公曰陛下嘉
與海內臣庶行稀潤禮豈惡祠兵西郊乎 上前席
曰然則奈何公曰臣頃巡陝方凡伍符庫仗有細札
小方今在芾帶遂探以進西兵在掌上閱之嘉歎指
筆牘授公具疏諸戍卒乘度留防守之備命樞府悉

發會察塞下願謂公曰今日復見頗牧在吾禁中矣
師僅集告虜入境上召問公瑋必克乎公曰克也
何以言之公曰兵法善戰者致人不致于人虜數揚
輕瑋言欲以怒瑋為誘兵鈔秦鄙故見羸以致我虜
雖知情得不勝其貪忿而卒自致此為在瑋殼中者
克之必矣居數日中貴人馳召對于龍圖閣上迎
謂公曰曹瑋大敗洮寇來獻戎捷公何料之審也三
都振旅虜以破攘故訖今三十年懾不敢動寶元中
夏戎飽飛西陸驛騷而汧隴晏如闕輔賴以為安寔
章聖納公遠策而公任瑋之材折衝帷幄惠綏來世

宋史周天少錄

惟幾也故能成天下之務其功利博哉天禧初旱蝗
仍飢縣官經費不贍上坐內閣召公入語容從以
三司所上計簿屬公審閣問財利何以取濟公曰放
于利而為政導民抗敝非王度也蓋祖宗營內帑以
備師旅凶札今羗狄款懷邊亡大費出帑物以殺歲
振百姓之惠盛德之舉也上曰善盍以故事貸之
公曰貸之為言虧廣大體不若遂賜之上喜為製
寬財利論發內府金繒給度支使無加賦天下公因
啓曰古之君人者必時視氏之所勤民勤于力則功
築罕勤于食則百事廢曩者上封詔郡國勿伐木除

道宿頓傳郵以示恭儉已而祠汾款毫有司侈設寢
爽詔意繕靈館度殊庭斬艾山林更費無藝常賜羽
孽廼天意所以申儆上悚然即禁採伐弛力役申
戒四方省不急之度公之論事誠心為國引義慷慨
不崇空語故人主察其忠虛寔懷嘉納啓心造膝云
補完矣章聖嘗日公廊廟之器蓋知公之深也尋
以給事中叅知政事儲闡肇建始初預聞及是首除
太子少傅手疏援先朝之故以讓遂兼賓客詔儲后
接賓客如司傅累牘遜免許從客禮焉賜之御篇元
良述六藝箴勉以輔導之意俄遷禮部侍郎冠志愍

吳興周天少錄

公由官僚罷相詎辭譚衍公因燕見上頗問春坊
事公曰皇太子仁孝天縱睿問日躋羣臣佐翼寔
無過事或有他語臣請付御史辨之上改容慰罷
焉時丞相缺公以叅知政事獨當國謀猷燮諧率循
訓典摠領衆職甚稱上意面命之相者數矣輒懇
辭一日對滋福殿東序皇太子趨下稱謝曰蒙恩
擢賓客為宰相因再拜上顧公其可復讓欵翌日
利出以吏部侍郎兼太子少傅中書門下平章事賜
賚皆異數公荷厚恩屬精索慮竭股肱之力知無不
為而與朱崖丁謂同秉政謂顯權不軌公意在綱紀

國體論議不能平。章聖不豫始議儲后聽決謂立異以為天子搃萬機即上躬良已殆難為朝廷禮公進曰撫軍監國漢唐以之上疾止如初何愆于義由是資善決事國本固焉謂益橫具心間忠舊鉤党攀援相入傷危不附至輒除吏不以聞公憤然語同列曰廸起布衣無左右之先上特達稱舉十年至宰相知竭誠奉公豈能阿權臣取容乎是日廷數謂執邪罔護傾亂憲度顯威福諄大節臣因負責其狀乃并自劾姦臣竊國命而不能正請同免上深感悟歎公忠孝又稱忠者數四遂與謂偕罷歸班

宋史同治少錄

既還第喜甚謂所親曰古之君子乎無求生以害人今日吾所以報也屬上疾稍侵謂謀得施頃之復相是日除公戶部侍郎知鄆州真駕升遐貶公檢校尚書兵部員外郎衡州團練副師志且殺公或說謂衡州之謫若士議何謂曰是庸何傷他事好事生傳衡州事不過云天下惜之而已時乾興元年三月也七月謂敗十二月復秘書監知舒州徙建康就改刑部侍郎徙兗海改兵部徙東秦又徙河南詔朝京師公既對留五日而辭絕口不及舊事至洛師改尚書右丞徙三城就遷工部尚書耕藉之歲獻后上

仙 今上馳馭遠公授資政殿大學士圖舊共政遂
復相 章聖朝公雅見親重君臣之際無間然者毅
然廟堂以身許國自謂臨大故賁育勿能奪不結党
友取游說之助見加彊設播越在外故莫為之地者
精誠忠義貫于神明惟帝念茲復我弼直然天資剛
勁秉心醇心雖歷危難艱阻僅全折而不撓正色益
厲當軸處中用是亦勿能久也景祐二年以刑部尚
書資政殿大學士兼翰林侍讀學士解機柄留侍經
筵竟冒僊文除太常卿知高密尋復秘官徙彭門又
改地官徙充海党羗不龔火入虜地公上疏願以屬

吳興周氏少孫

老臣 上曰是豈宜以煩耆德乎詔慰荅西師在野
遼戎睚眦朝議藉公威重綏定河朔因授彰信軍節
旄判天雄軍吏民卒旅至于四夷皆知公兩朝二十
年舊相故不嚴而治彊場又寧復徙青社詔赴本鎮
過鄉展墓因慨然曰吾遭時至將相幸全節義不忝
先人盍歸來乎佚吾餘日也及曹南遂引年還君事
疏三上天子愍以職務留以除太子太傅致仕歸老
濮上放懷物外逍遙六年子東之以侍御史知臺雜
奉安輿至都使璫餉茗餌致 上意存勞謂公不可
強自力一見我欵公謝衰疾竟勿入謂故吏曰吾篤

老槁骸灰心 聖君念雅素倘加恩是吾為子孫見也張禹數視其兒猶市攫爾啓手足之日無他恙時凝凜偃羶廬中顧左右曰安得大幄冒天下之寒者乎神爽恬泊顏然委化享年七十有七配時氏辛公約時子東之請諸朝追封永嘉郡夫人繼室榮國夫人皇甫氏皆有德禮式憲宗姻三子曰東之尚書工部郎中天章閣待制徽之度支員外郎京西轉運使皆以才進著名迹稱賢士大夫不藉世家幼輔之太常寺太祝六女長歸國子博士向絳次祠部員外集賢校理張充次太常博士王端次未有行而亾次歸

吳興府志

大理評事陳襲古次在室諸孫曾孫十一人德流厚光宜乎世濟其美者公孝于親友于昆季篤于朋友不遷怒不逆詐計數回巧不接心術不苟進不潔退功美不居患難不侮譽善不為諂嫉惡不為忌率由天至非有勉者蘊之為行誼發之為事業在公之道蓋土苴爾夫夸者死權矜者徇名逞禍機而導爭端聞公之風薄斯知敦貪斯知約矣臣承學淺昧然粗聞春秋義例矣大君有命敢誣信書銘曰
侍中剛塞 蘊涵純德 發為正色 隱然柱石
章聖惠哲 睿公忠烈 可臨大節 託之喉舌

遂付宰柄	爰屬之政	寔受端命	宿傳儲聖
孽臣專朝	僻訛姦驕	釣連日囂	我心鬱焦
感憤中激	志除邪偏	乃誠靖國	以寧社稷
綴衣出庭	違閔南征	不遠湘衡	願懷周京
大人繼照	圖舊廣孝	顯揚輔導	我還廊廟
迺平泰階	謨明弼諧	若作梓材	爾雅益梅
師戍羗落	帝念遼漠	公在河朔	虜崩厥角
宣力中外	文武盡瘁	若時進退	道德益大
攻奪為利	太息為義	處心云異	于道同敝
公冲而用	不激不聳	率試以勳	不勉伊中

岩廊穆清

軫念老成

俾揚頌聲

式昭典刑

宋故推誠保德功臣宣徽南院使安武軍節

度使冀州管内觀察處置等使開府儀同三

司檢校太傅使持節冀州諸軍事冀州刺史

兼御史大夫卿延路馬步軍都總管經畧安

撫使判延州軍州事管内勸農使上柱國廣

平郡開國公食邑五千二百戶食寔封一千

六百郡贈太尉謚曰康穆程公神道碑銘

并序

昔高陽氏命南正重司天北正黎司地其後為羲氏

和氏唐虞之際寔紹其業至于夏商故重黎氏世序

天地在周程伯休甫其後也程氏世系蓋遠矣公之曾王父諱守瓌仕周檢校尚書工部員外郎兼侍御史嘗更潁川陽翟令樂其風土自汴之封丘徙居焉故今占籍陽翟公諱戡字勝之先公以治春秋登仕故公初亦傳三家之學既習通矣而委之曰君子惟多識前言往行以蓄其德奚事一經遂博綜藝文天禧中楊文公億典禮部貢舉時推文宗尤以滌鑿自任考試進士精甚見公程文大器賞之遂為舉首及廷試亦在第四于時公之名動天下釋褐涇州觀察推官代還遷秘書省著作佐郎知齊州長清絳州翼

城縣以愛利為政有聲俄改秘書丞通判許州蘄州遷太常博士復通判虔州贛人巧滑囂訟公治明審數辨寃獄發姦慝吏民畏服刑平政清風績推最以尚書屯田員外郎徙知歸州轉都官員外郎數月代還且甄用也途次襄陽聞父喪途步而歸服除召為侍御史寶元元年并代地大振壞城郭廬舍民死傷者衆公以選為并忻等州安撫使入境以便宜從事宣布上之恩意諸失業不能自存者所以救凋安集施設周及人情大安還白利害稱旨所見皆見嘉約除三司度支判官遷兵部員外郎尋兼起居舍人

知諫院鐘內報時西鄙有興朝廷多事公約忠開說
補益居多時政賴之奪情俾領職公確辭得終禮制
既免喪復還諫省尋以本官兼侍御史知臺雜事公
之任言責司憲度切摩敵替以尊王體正國論未嘗
齟齬及諸細也故時議者重公有遠識惟帝心簡在
殊深以例換三司戶部副使不閱歲擢授天章閣待
制陝西都轉運使遷刑部郎中知渭州自戎虜為不
義出車遣戍平涼當其衝騎寇三大入殘夷及是始
通款公蒐補卒乘繕完壁櫓綏撫新附種落寧輯軍
氣以振邑里始寧時樞府缺員仁宗頗謂輔臣曰

程某厚重可大任也有間公者以為故事未有自待
制擢二府者遂不成命拜樞密直學士知益州屬貝
州軍亂州將張得一失事抵罪公以嘗任得一褫職
移知鳳翔府易河中朝論皆謂坐累太重踰月還舊
頃之徙永興軍未稽遷左司郎中領瀛州高陽閼路
馬步軍都總管安撫使甫至遷左諫議大夫祀明堂
軍慶遷給事中契丹使過高陽閼稱疾請以紗巾見
公曰疾可無見見則以禮虜使憚公嚴正乃具冠服
如儀仁宗聞之而嘉語近臣曰程某有守差強人
意還知審官院他日帝從容諭時相曰昔孟知祥

以後唐甲午歲得蜀至本朝咸平中歲在甲午盜發益州西土大擾故蜀父老識之來歲復在甲午蜀人以為恐其精擇可鎮靜者既而曰無易程某矣台對便殿親諭此指且曰為朕再行即台公執政公頓首曰事君者有命無避安敢以寵利居成功帝屬意良厚優除端明殿學士知益州到部彭州果有訛傳兵起者即捕斬之人心以定自益昶歸朝守者務為安靜苟遠嫌訾至城堞毀圮莫敢增葺公曰城以保民者也故葺以除戎器戒不虞聚而莫保民何依焉遂議板築浚池隍今蜀城修完公之力也明年台除

叅知政事屢表遜避優詔敦促中人撫問者數四在政府有告急變者稱得遺札于路闕構甚密尹以白于執政相顧未決公曰獨斬告者或曰何遽爾公曰是情易得也尹賜嘗訊之果告者二人舊出入此軍微聞其中豪黠輩妄言頗連諸校因相與謀此官司莫敢寬者必當按狀竟之因以圖賞利不竟亦無以反坐非有同謀莫敢證爾遂斬告者皆服公之發姦詐明且決至和二年宰相文潞公復輔政公以通姻引避除尚書禮部侍郎改樞密副使公才長于政事既歷二府練達治要慮心積慮期有以報特達之遇

而時為樞密使者與公情旨不相得邕州守將以賄
聞而奏請增補峽洞酋長且十餘上公持不從以為
後必生事數爭辯 帝前因堅求解五年以吏部侍
郎觀文殿學士翰林侍讀學士領羣牧制置使罷然
帝察公議每長有憂深思遠之致內直公尋亦罷樞
密使者拜公宣徽南院使檢校太保廊延路馬步軍
都總管經畧安撫使判延州秋大雨水五龍川溢東
西兩城將壞居民訥懼公登城肅禱水波稍復廻遠
遂退衆謂公誠心若有所感然 英宗踐祚視秩帝
傳是歲就錫命以安武軍節旄再判延州初夏戎承

襲尚幼沒賊訛龐四族專國諒祚益習事患其逼用
季父磨七之謀誘訛龐等誅之初 朝廷歲賜諒祚
金族四族常分其半首領入貢輒貿易圖利故四族
盛強至是併其所常沒入財蓄諒祚始擅其國氣驕
意得作為僭慢遂改元置官號數為干請公上言戎
狄貪婪乃其天性十求九獲猶懷觖望飢則噬人飽
則颺去畜養之道宜以威克請專遣使責其僭妄
朝廷因降詔詰問虜雖不悉稟命因是知為裁折公
念西疆四道戍守千里士馬留屯坐空儲持積久之
計必兼耕戰自古言邊備者必以其土人勁銳便馳

射戰鬪習知山川險易其氣俗然也請籍邊戶擇取
丁壯籍以為義勇 廟堂議協自陝以西無慮得十
六萬人更戍番休以農隙訓閱豐財足食安民保大
武有七德公近之矣夏虜自繼遷之叛狙于狙詐之
利至元昊尤多狡數故能獵服諸戎敢為國患諒祚
寔輕譎易與者而朝論懲寶元慶曆之難抑游說者
多過其寔虜每與契丹洮人相攻擊輒大點集聲欲
犯境公獨策其情不為之動而常勵諸將曰夫兵事
以嚴終無可用不可不戒也克勤小物備預益修故
時推公沉毅有方畧得將帥體虜比年侵掠內屬蕃

部秦渭尤甚或言帥臣蔽匿不以寔聞乃遣內璫專
領諸路蕃部事公上言孰戶利于附漢甚憚役屬于
虜我不能庇內臣督領無益也且族帳星散而數犒
享呼召期會更為煩擾不若委帥臣察其材勇捍邊
有勞部眾所服者間召赴 闕天子親臨撫閱遷擢
用之此羈縻之術也者善其言以新命已行難遽改
後竟以不便悉罷或請置重兵長安為四路根本選
大臣總節制詔公以利害聞公對四路距雍遠或千
里稟白待報豈及機會責成四路雅合事權寇所侵
軼相為殺便從焉既而引年謝事章十數上 仁宗

晚年賜詔曰卿年耆而德益隆朕所加遇者未可以期願自高也公惶恐不敢辭及加旌鉞復申前請表又十上英宗特馳近侍賜手詔曰卿年雖高而精力克壯在廷歷年處置舉合機要頃邊多事正當為備卿勿復更有請厚賜手封茗劑以將恩意公陳情懇至使者曰且有後命勿受辭公不獲已下拜受賜力疾視事賓佐白公其耆精神近醫藥厚自持府事僚吏請盡力公曰邊帥豈深居養疾者耶旦夕無少解疾益侵帝聞憫之詔還闕就輿上道軍民送遠郊莫不號慟治平三年正月乙亥行次同州澄城縣

索筆牘欲自具遺表草數字而薨享年七十有七外見大星殞于寢堂而聞發哭先帝軫悼輟視朝遣中使弔撫厚賻其家追祿太尉章紱太常考功闕合康穆二法以易名禮也諸子奉禱禩以歸陽翟四月葬我康穆公于舊學鄉先公之塋陽翟君後終于濮州臨濮令祖思議隱居不仕考諱坦國子博士以公貴追命三代普贈太師中書令兼尚書令博士封成國公曾祖妣田氏祖妣劉氏妣王氏秦魏陳三國太夫人公先娶謝氏追封陳留郡夫人再娶李氏贈宋昌縣君繼室以曹氏樞密使司空兼侍中襄悼公利用

之女也封新平郡夫人三子曰莊曰荀尚書虞部員外郎曰萃內殿承制七女適供奉官郭承則殿中丞崔良孺大理寺丞宗彥國虞部員外郎文恭祖侍禁閤門祇候王咸允杭州節度掌書記孫賁濮州推官李恂六孫高光祿寺丞充章雍太常寺太常竒秘書省正字公溫而莊寬而栗尤樂易喜設筴不為城府崖岸善與人交其度豁如也薄于自奉食罕重味器服僅給而已嗜讀書老而不倦雖在戎旅未嘗釋卷而首公勤職蓋天資然易著乾之四德曰正者事之幹正固足以幹事理財正辭禁民為非曰義若正與

義公寔有為用是出處顯重且五十年忠勞在朝功利在民為當時偉人重德盛矣僕康定中與公並命處諫垣至和末又代公為益部以常同僚而從公之游也舊故知公之器蘊為詳銘曰

正以幹事 義以治民 施于有政 康穆其人

文學發身 貢名第一 惟其德業 誠心為質

疊諫垣 寔陳昌言 法冠糾違 王體以尊

遂服邇僚 式虔亮采 帝察其衷 于心簡在

帝念戎難 內除蜀憂 疇咨文武 屬之懷柔

公有常德 維邦之翰 四方于宣 先登于岸

西園既平 西州既寧 還躋二府 叅幹機衡

無有作好 無有比德 剛亦不吐 王道正直

高奴古塞 寔扼氐羌 鎮守之重 洛公岩廊

蠢爾驕虜 奸黷憲度 公厲銜策 奔蹏入馭

卒乘輯睦 壁櫓繕完 拊循蒐閱 軍氣欽宗 欽宗 唐諱 唐諱

議建民兵 法古農戰 保大經久 憂深思遠

関河晏然 以公在邊 兩朝眷賴 弗遑引年

公不敢康 將吏傷憫 君恩見還 大星已殞

元戎于征 麾纛啓行 及歸里門 翻素旌

一氣同生 大期共盡 惟此德名 流徽不泯

大宗上都左街景德寺顯化禪師碑銘

我聞菩薩以方便智行于非道而作佛事以平等慈
不捨衆生而共四業雖逆順之殊化于解脫以同歸
此惟自證聖覺之可通固非常情思議之所及若顯
化禪師者蓋其人也欵初京城景德寺西塔七俱胝
院有僧清遜以誦經為業誦妙法蓮花經至五萬部
尊勝大悲陀羅陀各三百藏祥符中有布衣自云姓
許壽春人造遜作禮請受經梵相竒古曰直視不瞬
遜異之為受具戒名之曰志言動止軒昂時獨笑語
多行市里褰裳疾趨或舉止晝空佇立良久間從屠

酤游飲啗無所擇道俗共反為狂僧璩謂其徒曰此
聖人也佛法有賴矣衆未之信久之士民稍一歛矚
有意欲為師具供曉輒至門云來赴齋有欲施諸供
具輒道名件索之温人林仲方自其家以摩衲來獻
舟始及岸以來就取仁宗皇帝每延入禁中徑登
座結趺飯畢遽出未嘗揖也王公士庶召即赴然莫
與交一言者或進紙筆默致所請掬翰如風字體道
壯初不可曉後無不驗仁宗臨御久春秋漸高深
念繼承之重遣近侍至師所無他語惟展紙于前侍
者授筆須臾滿帝末云十三郎近侍以進不測何謂

後英宗皇帝入纂大統寔濮安懿王第十三子也
大宗正守節請書師不顧迫之得潤州字未幾守節
薨贈丹陽郡王曾在故相張文懿第見童妾謂為王
家比丘尼他日以從女適故工部尚書王公素竟為
尼僧義懷未出家師見之撫其背曰德山臨濟後住
雪竇為衆說法祖道益明今南方宗旨盛傳多懷出
也如是前記不可悉數普淨院施浴鳴鐘時方迎佛
聞浴室中有人聲僧叔嚴往視乃師也語少時振衣
遽去叔嚴追之院門尚闔故詣西塔欲驗其事守麗
景門啓闔而出師安寢于室復前語無遺海舶遇風



原件短缺

濤且沒共見一僧撻絙引之商人至都見師于市糴然引舟者也師曰非我汝為魚矣有具齋饌而荐鱸師并進之過廣濟河入菜市橋下或躡而窺之見臨流而吐羣小鮮泳去南海有逸人潘晃衆莫可親近獨與士人趙崇善語崇云我昔見言公于番禺由是通宿命師故未嘗往番禺也柔亦與師偈頌相酬往遠萬里間不浹日師遺崇偈有太平山上寶珠光之句又稱崇為赤溪君山人劉立常從崇得見其偈問赤溪何也崇曰太平赤溪皆率兜內院山名爾崇者本曹人舉進士從官嶺外因攝潮州海陽簿見潘棄

官從之後坐亡盛夏身不壞立後亦為僧名行忠住持傳法云如是異迹亦不可具載丞相呂許公問佛法大意師曰本來無一物一味搃成真僧問世有佛否師曰寺裏文殊或問師凡耶聖耶師舉手指曰我不在此住朝士長者四方耆宿有所咨叩應聲率爾直示心要如是句義亦不可詳錄將示化作遺頌其旨不可曉也已而曰我從無量劫來成就逝多國土分身揚化今南歸矣語畢右脇而寂慶曆戊子十一月二十三日也有香如蓮華久之不散仁宗遣侍璫安奉真身于院之西殿金書顯化禪師四字揭于

前楹度侍者趨覺為僧今真淨上人也異日進士姜厚攀帷瞻禮額上有光如螢得舍利一粒至是歲寢久四衆供事益嚴光靈益顯其江東誌公唐志雲僧伽之儔侶歟嘗試論之蓋一相淨圓人各具足自心見量非增減于太虛妙用無方故通融于萬化但由根境隔闕藏識分別毫毛兔角空華海浪習氣迷轉因物而遷至于本覺元明未嘗變失如滬生滅水性無虧如雲去來日光不昧若知寔無有法則為諸佛現前證惟是心即是衆生度盡自然具清淨眼入無碍智弗離當念超出祇劫之上不起于座周遍塵刹

之達則師前記之明異迹之顯句義之妙故非智之所可知識之所能識也太原王翬少而樂聞道自其先君素以真淨為善知識及是輩編次其狀請以續諸隱聖之後予閱其所紀皆衆所共聞見者非傳疑也故為畧其煩細而擇其著明者寔錄之而係以銘曰

佛子云何 號為顯化 仁宗皇帝 至心淨信
以是名字 留于世間 復次佛子 以正受力
入于塵勞 而作佛事 于一切法 得如寔見
轉輪聖王 宰官士夫 若善男子 諸來問我

我為方便 示其本際 如水中影 如鑑中像
如摩尼珠 衆色自見 無能所取 非生住滅
佛法流世 力願廣大 不見聲先 孰警盲瞶
師為法來 故云有賴 生民有欲 著于好惡
非激而勸 勿沮而懼 我于世教 不其有助
閑名已謝 幼身猶全 法施無盡 金題爛然
太平山上 寶月還圓

宋故龍圖閣學士朝散大夫尚書工部侍郎
提舉南京鴻慶宮上柱國清河郡開國公食
邑二千八百戶食寔封八百戶賜紫金魚袋

傅公神道碑銘并序

商書高宗夢得說爰立作相作說命三篇以為說築
傅岩之野故為傅氏蓋黃帝之子其得姓者十四人
有受國于傅邑者自為氏說其別也歷漢至唐常有
達者公諱某字命之世濟陰人今徙畿內考城曾祖
祖值五代亂離不仕考累贈開府儀同三司司空公
幼孤事母孝早有見于鄉里外祖樞密直燕士學公
肅愛賞之守稽會挈以行欲任以士辭曰仕當以學
請姑就學勵精服勤遂成高業甫冠一上登進士第
甲科釋褐以大理評事知兗州仙源縣邑有藝訟久

不決又訟于州舊相李文定公屬吏窮訊反坐竊矯
誣公至復自辯公使對者原書其契不類情得遂以
辜文聞定而歎曰吾不能使枉者直而又為寡婦人
罪吾甚愧之謝以粟帛盛荐公之才于朝代遠知撫
州臨川縣江西劇邑名難治蓋南楚之俗纖僂巧法
吏舞文相俠為欺詆以多所證逮積歲不竟困細弱
公察其敝曰契之不明訟所由生乃立條教告民凡
田訟傳別約躋不具者一切不受其辭以故豪猾不
得逞吏束手囹圄屢空善良者安由是時輩推其能
政通判泗州淮濱大溢墊城壁朝廷聞水害馳近璫

臨役事程畚築慮庸六十萬渡淮徙土南山下道回
遠勞甚公循汴堤旁得高阜數里崎嶇不便于挽絀
請吏之載以回舟委城下省工大半詔書嘉獎泰州
並海歲苦風濤壞田廬又徙公海陵圖其患至則相
地刑勢規築堤鄣遂止漂溢之害民至于今賴之以
選通判大名府佐呂文靖公文靖夙聞其才委以府
政俄而呂公復相擢知宿州未幾提點江西刑獄徙
益州路賜五品服公自大理寺丞殿中丞太常博士
尚書屯田都官司封員外郎至是就遷工部郎中梓
州路轉運使到部值涓井夷人方擾即請益甲公曰

夷寔獸心獸窮則搏不有犯者奚事而來乘傳躬往
廉問果縣豪吏侵擾諸夷衆恣以按叛其罪流之嶺
外告諭酋領即解散先是夷人每秋成鬻粟于市士
人相約率賤居之伺其乏輒落莩以出常以是畜憾
而生邊患公以官錢委官以時歛發若常平之法夷
人大悅自是境生少事慶曆初始制課民植榆柳以
為縣官殿最兩川地狹生齒繁無尺寸曠土而吏恐
負督民種藝不堪其擾公以間罷之蜀之安業轉運
使圭田在廣安舊事捧軍校之高貨者四輩掌其納
輸貿遷取贏歲送鏹三千公命以市估鬻之送鏹千

後使何知至清吏也善而循之遂習為常其在兩川
為民興利除害事良多召還改刑部陝西轉運使陞
辭賜三品服初夏戎阻命犯延安蹂平涼暴師鄙上
興費不贍夏文莊竦始建更幣以振邊置鑪商稅鑄
重錢一準十既又就河東山澤遂及江南諸監並煇
鉄為錢轉以資閩右民怵于利則冶鎔盜鑄殺雜為
巧死罪積多法不能勝四人失業朝廷患之議所
云掾公請大泉一當三貨物始平民稱便建摧鉄法
姦鑄遂衰正值閩中飢春麥苗被野豪賈益匿閉穀
騰躍而錢不出掾貨者賒貸邀重息公曰弛歛時也

輕重權也發庫錢三百萬緡以濟農民之交之約輸
麥于縣官軍儲以給公私共利後間用其法以寔邊
穀西戍久嚴饋道艱梗州縣租賦自陝潼推移以輸
塞上公按籍而歎曰此民之所以困也為之經畫就
所平糴自此田稅得輸本郡先是募商人入粟于邊
而受錢于都內凡三路歲多數十鉅萬時河朔告乏
而朝廷艱于移用公聞之上言本道藏廩足給請
罷都內所受錢以資河朔仁宗曰共國慮者當如
是矣壘札褒飾召還糾察在京刑獄俄遷兵部三司
戶部副使尋使契丹方還即命計事隴右時秦闕帥

轉運使范祥攝職請城古渭州以拓疆場初蕃部訥
支蘭羶有此地蘭羶與夏人有仇力不能支因獻其
地謀以自保祥不探其情遽陳利害以請朝廷易
聽之遂興大役勒兵護築侵耗諸羌相率為叛夏戎
亦集兵境上來理經界後帥張昇劾祥生事邀功請
棄其地命公馳赴審事宜公至則以朝命宣告諸羌
稍引散視古渭形勢深在戎落然業已營築請止
為一寨立五堡以行通路朝議然之沆如所築復命
除天章閣待制陝西都轉運使歲餘遷諫議大夫入
判三班院流內銓陞龍圖閣直學士充環慶路都總

管知慶州到部蕃部皆見環州守領蘓恩宿有庇負
恐因見負執獨不至州將敦迫使就道愈恐恃其衆
偃蹇不奉命恩豪種有力量隣道聞之嚴戍境上公
乘其未動告諸邊吏恩始非惡意過疑懼爾乃遣裨
校單騎抵恩所諭以此意思號感聽命即自歸歲餘
徙涇原渭州舊事歲遣將佐領甲兵歷按諸戍謂之
巡犒所至侵擾民患苦之公止不遣公私便安民為
立祠今刻石存焉代還判太常兼知審官院遷給事
中承乏開封府丁內艱服除知審官院兼羣牧官復
領開封府會中山謀帥咽呢巨屏守邊已試之效無

右公者遷樞密直學士定州路都總管知定州未幾
保州守將搤下嚴卒伍狃于姑息藉有怨言民懲
慶曆之變或以族行遠難朝廷聞以為憂方議易守
而公奏至具條所以戒過狀且言士驕而輒得所欲
後毋以制請勿易守保無他虞時議推其持重有大
體英宗猶是器之有大用意大農計邊儲內帑資
以金帛則下本道貿易緡錢平糶度支準其直率倍
踴曰省估民輸重困公按寔以聞遂罷省估止從在
所時價河朔同被國惠除龍圖閣學士召入知開封
府今上踐祚遷工部侍郎蒞事審給府政大清間

以疾倦于勞冗請將外補乃知兗州復還召領三班判集賢院權判都省提舉司天監寢有休息意請便鄉一藩乃除應天府又請閑曹以遂順養就領鴻慶宮遂歸曹南熙寧六年六月十三日考終于私第享年七十一公性夷粹無城府而臨事有撻守執堅正天資長于政事而本之以明恕不為皦察行吏下畏信簡而易從敏以有功故所踐歷必有可稱紀英宗東在甚深訖不究其用然亦可謂厚行君子循良吏矣嘗買妾察其態度有異問之衣冠家女也又常嫁為士人妻公乃嘗識其父為之咨惻訪其家母已

改適因為備行具以禮嫁之又為保荐其夫其篤于義多類此先娶王氏早卒再娶柳氏華原郡君亦先公歿子六人楊國子博士宸太子中舍蒙秘書省校書郎早卒長喬並秘書省正字女六人適太廟齋郎陳邈秀州推官張行先左藏庫副使李昭用太子中舍李侑太常寺太祝呂希俊鄧州內鄉縣尉向紘孫男十一人詳陳州商水令諶齊州歷城主簿評進士及第誦奉禮郎諫謹將作監主簿詵該詢誠並幼八年五月二十三日葬于考城縣之西原陪先塋二夫人祔銘曰

商書說命 中興武丁 東維箕尾 爰垂列星

世有俊德 秉有光靈 前載前望 文武是經

于赫大宋 朝多髦彥 能哲而惠 舉此黎獻

于灌奉璋 于宣作翰 太平之基 惟士之選

有若傳公 政事著名 初試為邑 即聞治聲

凡所謀為 沆觀厥成 雖在周行 已期公卿

賢人得業 本于簡易 易主乎仁 簡近于義

險阻異端 烏可適治 公知由斯 故多愛利

兩蜀遠方 三秦劇部 連駕督輸 民庸寔著

渭扼西彊 定雄北路 事鄙近功 體在遠馭

持重不撓 慮微益精 卒乘以肅 獄市以清

簡在英主 迺還尹京 素緼未施 濟河于行

我初起家 才名有煒 歸杖于鄉 以遠世累

風迹三朝 隙光四紀 履道坦 吉祥止

既具五福 又餘積善 宜爾子孫 保茲蕃衍

必有令人 克績以顯 九泉可作 尚嚴黻冕

樂全先生文集卷第三十六

樂全集卷第三十七
神道碑
推誠保德崇仁守臣忠亮翊戴功臣開府儀
同三司守司徒致仕上柱國岐國公食邑一
萬九百戶食寔封三千九百戶贈太師兼侍
中謚曰恭穎川陳公神道碑銘并序

樂全先生文集卷第三十七

神道碑

推誠保德崇仁守臣忠亮翊戴功臣開府儀
同三司守司徒致仕上柱國岐國公食邑一
萬九百戶食寔封三千九百戶贈太師兼侍
中謚曰恭穎川陳公神道碑銘并序
褒忠之碑者體天法道欽文聰武聖神孝德皇帝
神筆所題以表揚故相贈太師兼侍中岐國公執中
之遺烈也惟公再登元宰當國之重體直方大寔有
常德素履終吉不失其正故聖上揭天日之明稽

春秋之義顯其大節章示無窮夫其誠心之所感者深故于恩禮之垂答也厚教勸流于朝序盛美光于國牒君臣之道斯為至矣謹按公字昭譽豫章南昌人烈考韓國公恕以器望忠力叅知政事太宗真宗時為任職舊臣摠邦計十餘年典刑在朝功利在民逮今計府凡財策利權率循陳侯故事終于尚書左丞集賢殿學士公風骨秀英氣韻粹深河目犀角居然公輔之表初以廕授秘書省正字非其好也問學通大義不為章句志欲以竒策高議感結明主自致功名初仕尉衛丞監征慶州值朔方款格彊場

解戎條遠御之畧上河西兵機五事繇此聲迹聞于時秩滿知泉州惠安縣復拜疏論時政語侵要近益遠徙知梧州公奮曰天子明聖匹夫罔不獲自盡度吾材必有當者研精覃思著當世之務揆復古要道三卷駢置上聞章聖覽而善之曰此固名父之子為國敢言可用也即召赴闕是時今上盛德日新而未出閣天下屬望大臣莫敢為言公又上演要三篇發明國家大策請時建儲位以正萬邦叅用公卿兼領保傳諷諭詳切出于精誠書奏天子異焉翌日袖以視朝先出他疏于執政曰何如皆贊曰善帝

指所袖曰是更有佳奏即公所上三篇也復出示之執政相顧愧謝既而台公對便坐慰問移刻擢為右正言先是諫署又不補由公始復置員公既以納說時君被遇特達思効忠益展意無所依違表請增諫官延讜議每言事引大體忼慨輒見答禮權寵忌之屬御試進士以公編排試卷坐第次小差罷諫職還衛尉丞推酤岳州永州改太子中允通判歙州撫州累年江湖 天聖初還朝遷殿中丞復正言 上雅知公將顯用公前在諫官常論曹利用事至是利用言宜且試之治民復出知漢陽軍歲餘召還道丁內

艱服除補三司判官復知諫院直集賢院提舉在京諸司改尚書工部員外郎兼侍御史知雜事賜三品服遷刑部員外郎充三司戶部副使拜天章閣待制知應天府徙江寧府遷工部員外知揚州召還 上志先定用公有指宰相復有間言者除龍圖閣直學士知永興軍未幾拜右諫議大夫同知樞密院事吳戎叛命西師暴野嘗被手詔問經制方畧條畫數啓多見納用久之罷知青州尋拜資政殿學士工部侍郎充陝西兵馬都部署經畧安撫招討使兼知永興軍虜大入朝那攻圍延安連拔堡戍再踐平涼塞覆

軍殺將邊鄙日聳天下被其勞詔公徙幕府回中示鎮撫之重固闕陝根本公下令諸路凡騎寇來鈔虜獲自入故其戰人人知趨利除野堅壁詐力必屈是歲賊果犯河外破豐州斷麟府西陲盜哀止公以謂兵事尚神密千里稟命舉後機會非所以制勝宜屬四路各保疆圉治軍禦寇可濟事功累表便宜且歸兵柄朝議善其策就除知陝州復徙青社沂州卒王倫害戍將構亂輕游附從至擁旗鼓入城邑殺掠吏民郡縣惶擾失據公召京東都巡檢使傅永吉謂之曰是雖微孽敢涉吾地並淮且渡江若蹈無人之境

使民間而有姦桀豈不生易 朝廷之心歎若趨躡之賊不得復還也永吉受命恐慄窮追至歷陽采石磯力戰賊黨殲焉 上聞嘉歎璽書褒獎慶曆四年召除叅知政事內璫馳遽來錫命示眷待之加非常例也末暮同中書門下平章事集賢院大學士初西方有興師久無功 上命二相兼樞密使俾協謀議以便處置既羗酋納款罷兵歸庭塞徼無事而宰司領右府遂習為常公以為權宜之制盍復祖宗之故乃謝解樞柄秉政五年以足疾辭機務章十餘上除尚書左丞知陳州 上意不足公曰先臣終此官臣

幸以過後相更以為言乃拜兵部尚書祀明堂進天
官加觀文殿大學士制授集慶軍節度使同平章事
判大名府復以吏部尚書召冠宰司又逾二年足疾
增劇求近藩久之制授鎮海軍節度使同平章事英
國公判亳州公由世資自致通顯初不藉交党引重
為名高挺拔特立峻清不雜如絕壁千仞高倚霄漢
事上待下真誠無飾不違道以干譽不矯情以圖全
退朝闔門不受私謁詭行游說浮薄之士無敢自通
性嚴毅有威重寡言笑其在 朝廷陟降進止皆有
常度舉措時當攝大柄斷國論凡進對謨議未嘗漏

言有猷有為世莫聞知善則稱君過以歸已而已專
務遠權勢匿名迹及其久也天下信之故 上察公
行齡上厚眷委之心特密為在亳歸乞養疾不許堅納
旌節改尚書在僕射觀文殿大學士徙判河南府兼
西京留守司過闕不任親謁求易曹州恩旨留京師
便醫內侍勞問賜黃金珍劑視其有瘳蓋屬任之意
存焉瀝懇告老輒被手詔敦止逾年疾日侵始蒙軫
聽嘉祐四年二月制除守司徒岐國公致仕越四月
十八日薨享年七十屬乾元節宴羣臣是日休假聞
訃即時乘輿臨哭酌不視朝三日築贈太師兼侍中

發哀苑中文武叙班殿門進名奉慰凡贈祿恤禮率加常典太常議謚曰恭其配吳國夫人謝氏諫議大夫泌之女端搢淑範配德具宜公薨終彌月而夫人繼歿即以七月二十八日合葬于京城西南韓公舊塋寔祥符縣之西韓村大王父追封衛國公嵩王父追封燕國公光嗣逮先王韓公並贈太師尚書令兼中書令曾祖妣二黃氏祖妣孫氏妣王氏李氏齊晉魯陳秦國太夫人嗣子世儒太子右贊善大夫方八歲岐嶷有至性法相惟肖陰隲善慶必克纂續六女皆封郡縣君長適屯田郎中李章次大理評事宗均

國次光祿寺丞王杲餘尚幼公之薨也上軫之深時季弟將作監執方知曹州驛召俾護喪事又命壻章幹其家執方有器行而章材敏公所愛厚故朝廷因其意而命焉初韓公見公讀漢書問公益言爾志公對曰平津侯有言人主患不廣大人臣患不儉約竊謂名理韓公默然心知其志之遠也及公鎮關中委統帥之權登政府避監搃之重再至上宰一心在公未嘗敢因緣恩威為市及其去位深自裁挹不敢以隆名重器自處在景毫納旄鉞以為養疾便藩不宜尸厚祿隕然抑畏罔以寵利居成功都城僻坊有

韓公啟廬再入相方贖取之門不容回車僅蔽風雨
 不營貲產家無僮伎四方竿牘芑苴問遺之私莫敢
 至其門故世謂韓公知子之明而公可謂亦允蹈之
 者也燕居如齋未嘗見懈惰之容非朝服不見賓客
 所接無貴賤率盡誠禮不妄為款狎故平人與人無
 憾恨之隙無侵侮之羞將東首神爽恬泊親札台其
 壻章屬之後事封署端楷如平日猶其資性莊重如
 此銘曰

岐公直專 其誠也天 其重如山 其止如淵
 秉心宣猷 靖共惟虔 蹈道之正 得德之全

顯允韓公 匪躬徇國 宣力汝為 有民汝翼
 利盡事功 忠存衮職 寔著義方 貽我淳則
 公起世家 決大志 玉氣莫掩 棟材拔萃
 明主我知 青雲自致 絕塵遠騁 摩霄高厲
 遂登臺閣 爰涉公卿 立朝正色 于國乃情
 不援不陵 不將不迎 得之自是 直哉惟清
 密勿中樞 本兵之柄 左右泰階 執國之政
 入告善猷 出賦明命 式是百辟 時庸嘉靖
 典刑是修 舊章是由 敢曰識知 祖宗之謀
 匪福匪威 莫我德尤 無好無惡 就為党讐

天生蒸民 有物有則 時惟溍明 人用僭忒
我求諸身 王道正直 愛莫助之 會于有極
不回不疚 期處其厚 無遠四方 相右屋漏
譽非余同 毀非余否 常德不渝 克堅其守
不否不同 其守彌冲 天子曰忠 天下曰公
賢人之業 本于易從 全其神明 始為令終
允文大君 獨照精寔 揚其惠節 寵以神筆
聲烈烜明 恩禮周密 有恤幽堂 永對天日
推誠保德 功臣正奉 大夫守太子少傅致仕
上柱國昌黎郡開國公食邑三千三百戶食

寔封八百戶賜紫金魚袋累贈太師中書令
尚書令許國公謚忠憲韓公神道碑銘并序
公諱億字宗魏真定靈壽人父信國公始家京師咸
平中進士擢第除廷尉平知亳州永城縣永城劇邑
當津衢衝要本由吏部銓補令久不治始命審官除
吏公釋褐為選首初署事聽決辨訟如宿吏精習文
法者縣大治郡將皇甫選時名士有賞識數試公以
事平處詣理稱歎曰能由是著材名部司察舉治狀
遷大理寺丞通判陳州徙單州丁信公艱去官服除
通判許州復徙陳河決屬邑衍溢民田廬計役費隄

塞鉅萬公按形勢以便宜就功一不賦民河復故道
有劇盜聚郡境匿諸艦中期會攻劫公廉之知揣其
所過抵夜率吏匿河上流舉火代鼓以駭之賊棄舟
迸潰邀捕無脫遺者轉運使鄭文寶喜謀畧聞而壯
之被公檄至于許曰急欲識公面顏爾遷殿中丞
章聖嘗覽公文俾召試外尉太尉王文正矣當國避
嫌以為言特召對改太常博士知洋州郡有豪吏李
甲兄死迫嫁其嫂而誣兄之子為携養以專其貲嫂
流離歷許州及司官數置對甲輒賂吏掠服之積十
年寃不伸公至復出訴為索舊牘詳閱鍛鍊牢密但

未嘗引乳醫證徵司之尚存為奄召驗問辭服業竟
姦黨母子始如初改屯田員外郎知相州河北早蝗
轉運使靳祖調蔽匿災害公抗章極論詔書嘉獎為
蠲賦役百役賴以全活故相張文節公鎮罷荐公文
中御史被召除殿中侍御史淮浙飢命公安撫所至
先察吏治宣布慈惠救荒之政畢舉合肥舊陂久為
疆家豪占公按得之民得其饒未還除開封府判官
一日奏事畢趨出至屏外復召賜五品服章俄除河
北轉運使別旨留公為故相河內公均其室初向氏
長安華嚴有美田時丁朱崖擅朝欲得之諸子已聽

命使所親諷公公不答而謂向氏土田衣食之源宜
共保之故華嚴不以分崖州大以為望既赴河朔獨
領其職會章聖御樓晏駕今上踐祚軍賞重沓
河北厚屯戍經用常不贍朝廷憂之公心計精密均
輸從容以办鎮定帥曹瑋有威名朱崖亦忌之以大
將軍斥知萊州以其得士心慮或逗撓詔公馳傳統
其兵緣是伺隙欲有以中傷公者公舉措時當處之
無間改司封員外郎加直史館徙知青州未幾召為
侍御史知雜事賜三品服章遷工部郎中時中丞缺
久不補公專臺務都下有告急變者中貴人夜開禁

門逮卒百餘輩付臺公一訊情得悉釋其縛中貴人
以捕反者為己功日傳詔促案及獄具止誅告者三
司更推茶法權利虧廢詔公劾前議者條罰自丞相
率數案詔獄持法平不撓權倖二宮知公秉誼不
回可任國之重擢龍圖閣侍制罷望風采益為當世
鉅人重德天下以其出處為時輕重矣被命刪定法
令審覈條次科比明今上御名書奏因請頒示天下人得盡
其情其議有文害者更之異以便安萬姓于後每編
修制勅必循此例久之出典亳州未幾召領審刑故
事諸州獄疑讞有令後讞寢繁天下多留獄公建言

諸刑科當讞者為傳中比著于令以省竒請之敝又
四方上具獄理官當報日程賒緩亦因緣開姦利公
奏促其程由是州省郡滯繫獄以星知清者言蜀且
有兵變若災沴公被選以樞密直學士諫議大夫知
益州陞辭二宮諭以占說公頓首曰願以屬臣至
蜀早果荐飢公以愛利為政安輯荒散均節賦調先
蜀守張公詠以蜀地狹生齒衆嘗艱食為請歲發倉
儲六萬斛賤佑以贍貧民遂緣為常公先期倍數以
賑之故民不大乏自秦李冰鑿離堆避沫水之害穿
二江成都中醜以溉田若歲大旱溝塍猶涸公更決

九升口水行徑易迄今享其利初二宮以蜀災害
為憂既而聞公綏靖之美有旨召公叅知政事宰相
白益部遠方宜湏代還以拜以緩其命而援所厚善
故公命中格除御史中丞充理檢使蜀之西境項部
烏蠻雲南地接多馬歲入永康官場鬻之經歷山川
道路周知其夷險公還對請徙場沉黎自此蠻夷窺
蜀有以隔限會中宮虛位公抗章請擇舊門淑德與
大臣定議舉典禮聘納以示母儀之重既而下果有
自親微覲倖工配者馬季良自貶所遣所親扣登聞
自通而潛賂要地得致仕言事者以謂致仕所以優

賢季良在流放未有罪人致仕者詔公劾登聞鼓不當通其辭公以謂可否在執政更何罪之劾納勅不奉行議者以為得體又按唐典奏置御史裏行四員以廣言職屢奏疏論朝政時務其言深美多法羨上嚮納之益欲登用歲中遷工部侍郎同知樞密院事樞密本兵之地是時天下乂安上下習于優游武備浸弛公獨以為憂建言為國者思患預防故萃以戒不虞請下二府各任堪將帥者稍試用之觀其器能又言將不可不知權謀形勢之法上為親集田種之要名曰神武秘畧頒諸邊將使習通之嶺外蠻

夷或恣睢屯聚輒下湖湘之甲或發畿兵奔命率不及事又北軍涉冒溫暑瘴氣多死亡公奏置廣南東西路鈐轄司增募土兵戍守南粵便安夏戎內附其人至京師一切自便公揣昊首野心請為除館屬吏司其市事驛道護以往還視若優為之禮實以羈防其姦謀記而邈川與夏戎連兵洮人來獻捷朝議賞典公曰二虜皆藩臣擅相攻擊若又加賞是驕邈川而怒夏人非綏御四夷之道固執不可而止凡武經邊備惟思日孜孜景祐四年授叅知政事占謝之日召坐嘉西府之勤勞勉久之尋遷戶部侍郎是歲地

大震定襄災異數見公方在告力疾入對為上精
言其端以為地震陰有餘夷狄中國之陰也其深戒
夷狄之患又請下詔求直言消復之術上納用焉
久之罷政事改吏部侍郎知應天府越二年夏首叛
暴突疆場覆軍殺將天下共其勞識者悼歎儻公在
位我雖不及于此既而契丹氏乘寡來渝平授公資
政殿學士知成德軍入覲在道內瑯賈手詔問攻守
方畧公條邊策甚詳時劉平敗沒延州邊臣以降賊
聞有司設防守將收其孥公因對言平在軍戰甚力
毋降屈之狀上意釋然更加恩恤如死王事者尋

改澶淵以控北道之衝屬疾因請便郡復徙亳州地
當京東西淮甸之交故盜充斥連發境中民相恐公
以耳目摘起賊區處乃府大校為之囊橐掩捕百餘
人傑諸市自此群輩散落井閭清淨訖公去郡不復
有盜就遷尚書左丞拜章罔讓詔書褒答慶曆二年
請老授太子少傅致仕四月八月十五日薨于京師
私第享年七十三上悼傷廢朝祔恤用優典贈太
子太保太常考行謚曰忠憲二夫人蒲氏王氏皆先
公歿追封安定太原二郡太君繼室太尉王文正公
之女某年月日葬于許昌長社縣嘉禾鄉從先塋禮

也曾祖贈太保諱曾祖妣江國夫人張氏祖贈太傅
諱祖妣舒國夫人李氏考贈太師尚書令中書令信
國公諱妣越國夫人郭氏吳國夫人周氏三世德厚
流光在公、郭之自出八子曰綱尚書水部員外郎
綜刑部員外郎知制誥絳翰林侍讀學士諫議大夫
環慶路馬步軍都部署經畧安撫使知慶州絳某官
維某官集賢校理鎮殿中侍御史緯某官絀某官材
業重子 朝廷譽望著乎臺閣隨其器能而並篤于
行誼義方忠教固有根本綜先卒諸子通顯累贈公
太師中書令尚書令許國公女六人遠端明殿學士

戶部侍郎李淑某官蘇舜賓太常博士王整其一早
卒諸孫十三人宗彥度支員外郎集賢校理三司判
官早卒宗道宗師登進士第餘皆宦學修立詵詵盈
庭盛矣公性質方重正色立于朝若大議論一登于
言確乎不可轉也事上待下本于忠恕閑和存其誠
故伎巧詭激之為不接于心術雖燕居未嘗見其墮
容其家事尤理清規素履不為勢利增改書有之作
德心易日休逸曰視履考祥惟公之素履所謂德有
基而道有本其旋元吉而大有慶宜哉銘曰
於休耆德 中憲韓公 文武之道 大者在躬

直方以動 允蹈于政 能盡其性 周爰始終
 釋巾從政 知微之顯 歷令刺守 風聲日遠
 載采于朝 臺閣之踐 有翼有為 惟明為憲
 睿明能哲 屬昇機衡 公不敢康 懼思盈平
 傲戒無處 夙興竭精 戎難既作 知公忠誠
 年至得謝 遂傳家事 天錫蕃祉 慶延于世
 子孫振々 鄉材國器 凡杖優游 百福全備
 公葬信公 長社之原 今從先子 歸安故園
 夫物芸々 各復其根 惟其神明 一氣同存
 推誠保德 守正功臣 正奉大夫 尚書戶部侍

郎知潁州軍州事管內勸農使上柱國汝南

郡開國公食邑二千戶食實封四百戶賜紫

金袋贈兵部尚書謚文忠蔡公神道碑銘序并

國朝沿唐制設進士科取天下髦俊其擢第一多至
 顯位以間德英才國器 章聖御極二十五年選士
 十二榜有若王文正公曾李文定公迪蔡文忠公齊
 皆擢進士第登翊大政為時名公此英才國器者大
 中祥符八年方太平用文治 天子臨軒試貢士采
 賈誼之言賜賦題曰置天下如置器時文忠公預試
 上覽其賦有安四方之志異焉既唱第廷中考等果

第一召前風采堂之英秀擬出 章聖屬目顧宰相
寇準曰佳哉士也殿上下聳觀舊事唱高等三教人
而擇焉是日即命公特謝特語金吾給七人清道為
之光寵釋褐將作監丞通判兗州徙濰州端朝遷著
作即直集賢院判三司開拆司歷右正言右司諫同
修起居注改尚書禮部員外郎兼侍御史知臺雜事
同判吏部流內銓更三司副使奉使契丹國還授起
居舍人知制誥同知審官院入翰林充學士俄兼侍
讀學士久之除龍圖國學士知密州徙應天府召為
諫議大夫權御史中丞加給事中復除龍圖國學士

權三司使拜樞密副使進尚書禮部侍郎知叅政事
閱四歲罷以戶部侍郎知潁州薨于郡享年五十二
公字子思其先洛陽人曾祖綰太平興國中為萊州
州膠水令九年卒官有遺愛子孫因家焉祖隣考夢
臣世傳經術懷道不仕以公之貴追祿三師公幼自
立苦學故相李文定公見其詩謂人曰此君有大志
未易良也將就香居名當手送致書州將上其里才
人史房而身下之始至兗州長吏有苛正公約之以
禮使不得踰法民法為安至濰有士族募市征印文
相因緣為姦利積十餘年或告法之株連數百人公

曰盡利為民姦是用長茲為政者之過為從末比多得擇濼人大懼愧更相勉為羨識者知公非苟為德是謂明風化之所自迹近而體遠者蓋其初仕已達于從政秩滿還都不過軌政之門在勢有弗悅者累月不召乃差監永風倉 真宗知之詰輔臣亟令召試文奏御中旨除官明年賞花禁苑羣臣退獨留公出 仁宗所賦詩示之將命為太子諭德為弗悅者沮格 章聖知其有公輔器眷屬殊厚永定遣弓宸慕生至家人視其卧衽涕洟沾濡丁謂顯國使人語公能自致即處華要公歎曰茲言何為而至于我竟

不答未幾謂改反側者多矣公澹居其間時論益貴之直翰林 章獻太后修景德寺近瑞羅崇勲護作既奏功詔公撰記崇勲信幸用事遣親密謂公善為記叅知政事可得公已受詔欲辭不可置不為撰崇勲數請終不以進怒而譏之 太后遂出守密州魯肅簡公在中書爭之不能留至州 太后語中書降勅趣奏記乃 上屬京東旱荐飢先除公田之租數千石遂請悉除京東田租弛鹽禁使民得賈海救荒東人于今賴之皆曰活吾人百萬曰蔡公也公前知臺雜事復拜中丞正色立于朝權威于憲度必彈劾

未嘗及諸細也 章獻太后遺制以 莊惠繼垂箔
恭聽閣門白臺促百官入賀公毅然顧吏無得追班
前白二府 天子春秋已長 太后末命非天下所
望抑未有聞于前代者惟執政之故莊惠但稱尊圖
宮省號保慶太后不復預政壹王體正國命公有力
焉及登西府向時房闈專威閣謁依藉因是以習典
刑猶紊公持重據正意在杜邪撓以贊平康之治嘉
謀嘉猷入告為多然性靜密未嘗語于私故幾微啓
沃莫傳焉衆所共聞者著一二云爾景祐初中宮虛
位有自細微因 莊惠以入掖庭得見中意將遂正

位號大臣並諍而公尤力既而欲以備嬪御公獨堅
請歸之因得高選勲闕上儂天極王蒙正者連姻外
戚子殺人謫徙未更赦中札命樞府復官公謂同列
始初清明宜謹國章旦朝以聞寢之或曰小事惡足
煩 上公曰德刑治本人主以為操柄殺人而以官
免免死而復官是殺人者無罪也斯之為小將奚為
大退為奏明日懷以授樞密使王文康已朝奏事且
退公前曰王某向與臣議更有奏請文康不得已白
之上意上回公曰法天下之平而撓以私且亂政
刑又命降官一等固請而止樞密院有直學士題名

錢惟演選記希丁謂意獨黜寇忠愍云逆準不書示懲惡也公建言萊公忠義有勞王家茲實厚誣以疑後世請而剝去其辭南徼蠻首虐用諸蠻奔宜州自歸八百餘人議者請勿納公曰蠻逃殘酷歸王化以求生處之湖湘曠土足使自給却之勢必不敢還聚散山谷為盜從而戮之蠻亦人也酷又甚焉不果納既而漬為民患至殺將吏宜桂以西皆擾朝廷方悔契丹徙帳幽州屯鄙上邊戍繕完赤囊狎至二府並請增守備宰相呂中公對上決策勿與保無變異論猶藉公議協遂定鎮靖有體人情安安河決橫

隴料功隄塞公曰水趣下河朔地卑順而導之可免澶滑壅溢德博數州得在河南于國家便但護魏為可從之澶滑迄今無患仁宗景祐間朝廷尊嚴治平乂安是時在位為多正人周頌云無競惟人四方其訓之不猶信歟寶元初夏人叛命公在潁州聞之以為戚念時任事者憲害不能深俾弟稟入言西邊事于朝甚詳稟因論次其說條類成書號通志時亦多施行者本公志也公資忠信器靜深不矜而莊不厲而威直方而有容內文理而外溫厚非義所存不接于心術不持高論不為跪行施諸已而不願不以

施于人與人至誠重然許一言之出終身可復樂道人之善推賢達能惟恐時之有遺才也性謙退不代執義堅固臨大節有不可奪之守在朝廷情日孜孜以思納君子善身處外乃心無不在王守故士大夫倚公為以當世重焉中年而薨天下莫不痛惜以其才之未究也嘗謂名教治之本孔子之後龔文宣公舊矣乾興中四十九代孫承祐卒絕不龔十餘年公援漢元始故事上言聖人之嗣不宜久廢承祐有母弟在請續封詔從焉尤篤故舊死生不以易其操初馬絳調萊州判官與公為忘年交公除御史中丞

被旨舉御史以絳應詔故相王文穆公隨守泰州絳通判隨政事多僻絳剛正每執不阿以大忤隨至是文穆當國持奏不下公請政府曰舉所知無易絳者不下請罷舉隨不得已絳除殿中侍御史鄉賦時州掾賈編考試公在宥密編老滌銓集公請解一官為編改秩仁宗嘉其意擢編朝籍與彭城劉顏布衣支善顏積學有行詎然罪廢不可復振公為解說其情稱所長于朝錄其所著書上之顏以縣尉謫至是起授泰寧軍節度推官時近臣多荐藻之士充館閣員公獨荐陸叅有古學將召試公為請曰詩賦非叅

所工欲勸其學所著蒙書在焉叅特召充館閣檢討
公篤義雅正不撓權倖類此范仲淹龐藉劉隨楊偕
郭勸皆公推轂以顯於時事母楚國太夫人張氏色
養無違公薨楚國在堂士君子傷之其配中山郡夫
人劉氏三子曰延年將作監主簿早世延慶今為尚
書屯田員外郎京東路提典刑獄材敏而文有遠度
亢蔡宗者也延嗣大理評事精爽似之好學未樂任
長女適太常博士劉庠顏之子公憫顏志不遂庠幼
孤即以女妻之次適某官某生男冠平早孤保于外
氏楚國特愛之故公視猶子公薨子幼凡喪塋庇家

事悉屬平平厚重君子也今以太常少卿直昭文館
知鄭州公守南都某以舉子見厚蒙器賞故我以國
士報之于此文也銘曰
在仁宗朝 廟堂名公 道德之純 蔡公文忠
公之為人 性乎仁義 用中為常 不勉而至
發為忠孝 于君子親 施于百行 于以誠身
有如珠玉 稟于純精 亦如金石 中含和聲
又若水火 之清之明 又若山川 之秀之英
乾坤之體 其用簡易 賢人德業 以大以類
我不為善 亦奚以伐 我弗為高 則將為越

雲上于天 其潤在下 公心所存 可求諸野
施不為名 報不在壽 誠以自成 茲則不朽
惟公之道 以誠始終 豈復可味 一氣是同
凡此陳迹 公之直祀 揭此銘章 孝子之慰
朝政大夫贈禮部尚書天水趙公神道碑銘
并序
夫積善垂裕 命曰慶基 揚名顯清 斯為孝範 故世家
濟美流光 本乎德厚 朝廷著令 命秩行乎 追錫所
以褒明 教忠之懿 懋勸事君之節 人倫國體 于是備
焉 茲太宗伯趙公所以沒世而道益光也 公諱 字

自造父受封趙城 而叔帶有後 晉國成宣之勲
簡襄之業 列于諸侯 十有二世 而併於秦 秦使王嘉
之子輔主 屬西戎 實得戎心 號曰趙主 漢祖入關 輔
率諸戎 以從 因家天水 營平戾 充國蓋其裔也 唐末
自河朔徙睢陽之虞城 迨公七世 宋人矣 曾王父某
含章篤行 見宗鄉閭 府聞于朝 署州司馬 邑鄉名數
始為士族 王父某 允蹈吉德 敦守節誼 博考典訓 推
為醇儒 諸生來學 遠傾齊魯 時宰荐其經行 名入成
均 助教 歷五經博士 考其傳家 學通春秋 五代晉漢
之際 遭世名艱 知志不遂 選除平陰南華 楚丘令 仁

恕愛利惠綏百里宦不遠桑梓示其祿仕之意也迨
公通籍贈太常丞公局度沉邃體裁莊和臨事發揚
殊更彊毅年十三常自平陰迎外王母于譙路逢羣
盜徒御駭散公下馬叱咤辭氣甚厲盜愕相顧壯羣
少而勇且仁平陰之政歸所掠而潰家雖治經專于
六藝公既該貫則以學文購致太史公記兩漢書南
北朝史文選諸子集悉手自寫讐考詳正時中原喪
亂篇籍亡缺及是梁宋間始傳善書具全本逮今家
藏子孫寶之河東柳仲塗為宋督郵名高使氣士子
罕通者獨接納公與定交契輝光聲問由是寔遠

太皇慕崇儒初文初御便殿親策極貢士公不預奏
籍慨然曰英主可自託也錄所著述獻書闕下文奏
御上知有司遺才也特召試賜進士第調鳳翔司
寇叅軍府按重辟具獄具論殺公發疑狀果因誣上
服凡決獄事名所平反上官荐其材高驛召至闕
遷光祿丞領梓州權監院制貿遷之法操其奇贏不
設浚防大儲放利加佐著作通判密州時騎寇仍入
北邊嚴警戎備籍夫兵于山東州將據版圖取捨失
平民大譁趨攻牙門將發庫兵作難公挺身出慰解
衆釋仗指刺史廷曰吾屬特不忍公不然茲流血矣

已而推戡其造端者而郡以全朝廷聞而問故公曰
吾可以為已功而不分謗也乎竟不自言受不覺舉
坐徙倅縉雲又徙新定俄以太子中允知洋州淳化
中盜起青城陷成都絕閣道王師循褒梁入討興道
當其衝發輸期會絡繹星火僚屬謂公利害在民功
過屬身公行不忍將有稽乏公曰州縣之命繫吾是
賴操切取辦以圖賞利吾不能也由是左授由陽監
征公憐怛愛人之心大指類此在南陽故在知政事
蘓公寇忠愍公並錄執政臨州以公老成待之上賓
禮意甚至皆謂公者長也 章聖登阼除國子博士

尋以尚書駕部員外郎提點江淮茶鹽賜五品服章
遷比部願謂子弟曰知止不始豈惟富貴者然士之
常爾今吾告朝以老歸爾以事將安性復命佚吾餘
日族人故舊或謂公未嘗立產業基趾退身安之乎
公笑曰吾惟平生家無長物儻是之念則漏盡夜行
莫攸息已章再上得請改駕部致仕行過山陽郡舉
子王生駿見公于傳舍高公清節為買宅一區田一
壥遂留寓于山東竟考終于此第享年七十二駿後
貴顯至樞密使云夫人清河縣君張氏後夫人渤海
縣君高氏淑明仁順德禮允諧子七人曰常固曰槃

曰集曰明允曰裴其一未及名率循素業無所成名
而卒最幼曰槩閎大冲遠純粹疏通發策甲科躋華
近列全為翰林學士知制誥踐歷臺閣為時名卿自
司馬仕州佐至太常三世皆以道義忠信沉晦微下
公年知命方解巾從仕盤欽宗 諱恬尚卑不可踰凜然
有德讓君子之遺風識者固知其後必大素履結冬
成于翰林故公累贈兵部郎中諫議大夫給事中禮
戶部侍郎春官大宗伯詩云君子有穀詒厥孫子春
官之謂歟無念爾祖聿厥脩德翰林之謂歟翰林掌
綸西掖激海就養北堂上郊園丘均恩著位請迴

勲爵錫母邑封 詔旨特允封渤海廣陵郡太君因
追贈張夫人汝陰郡太君既而廣陵即世翰林去職
柴毀儒慕哀哀罔極始自山陽奉公惟裳婦葬虞城
之天巡鄉二夫人實祔焉誠信克終哀榮並伸刻石
新阡用揚顯仁惟嘗僚且同里宜傳信于斯文銘曰
有唐毀顏 五季積衰 小雅盡廢 中國道微
先儒訓典 不絕若綫 博士循循 師門獨闡
楚丘沉默 埋照屏飾 猶有社稷 尚優執翟
迨公策名 式遭王明 初掾于岐 察獄以情
州將失民 致戎于門 為公投仗 自消厲氛

國兵入褒 發輸火急 公委州符 洋人相泣

仕不為身 造次惟仁 明水大羹 澹乎潔純

引年退迹 篚無餘帛 以道為歸 匪家之戚

四世一心 貌其德音 積善有基 爰啓翰林

翰林堂 維實是妣 履道孔夷 宜必諸祉

慶流湯 顧後寢昌 絳服纁裳 公享祿章

宋故密州管內觀察使金紫光祿大夫檢校

工部尚書使持節密州諸軍事密州刺史兼

御史大夫知汝州兼營內管田堤堰橋道勸

農使知汝州兵馬總管上柱國河間郡開國

公食邑三千五百戶食實封六百戶贈昭德

軍節度使謚惠節向公神道碑銘并序

周封微子于宋春秋時公族諸欽宗廟諱有向氏賢卿大夫

不絕書中稍微皇宋誕興向氏從盛 真宗皇帝考

今上御名厥相有若魏國文公簡諱謨明弼諧緝熙百度翊

隆盛業治致升平勤勞王家書伐國策以尚書左僕

射門下侍郎位居元宰公其幼子也諱某字仲模初

以任令起家衛尉寺丞娶冀康孝王惟吉女萬年郡

主改內殿崇班王 太祖皇帝之寵孫恩禮絕等歷

太宗朝未就外邸故主長于禁中 真宗有旨為擇

樂全文集 卷之三
嘉耦以公才地兼美選配焉既席世又聯戚里蒞家
官典職屬親近自祥符至皇祐三年常未嘗違京闕
累官至四方館使榮州刺史始出知相州司官僚佐
意公未習為吏易之而觀其所發及視事知體要奉
法循理舉措特當人情莫不厭服治有聲遂著材望
日益顯重遷果州濰州團練使解州登州博州汝州
防禦使密州管內觀察使歷守恩刑陝滄保澶鄆潞
汝凡十州正身戢下凡家所資率致自京師以行至
官所約閫以內不得與外通貿易餘祿輒以均諸幕
府掾屬凡官什器不入于家所至以為常日孜孜思

所以為惠利者勤而行之惟恐一有失所者知州縣
之事賦役為本監司或以權便違令欽發不以時傷
財害人必守常法酌下情俾公私各得其宜體安而
理和故操事者樂於聽改而吏民實蒙其惠政平訟
審獄市無擾民得職上課數為一路最重宿望或更
出其下異日責戾近戚之為郡者飾苞苴事厨傳已
則弗率而求容于刺察之官救過之不暇于庇民乎
何有以是百姓重傷景德之後戎虜請和河朔不用
兵且六七十年邊無興調耕桑安業亘乎業事勸功
家給人足而比屋屢空鮮有蓋藏非由官吏侵漁不

恤而然即如公者而保牧之則老稚鰥寡庶乎在以
養矣其在滄州飛蝗蔽野官督焚捕而無所施其力
其烏羣啄之委之塍壠故境內不告災乃以有秋見
者咨異歸德于公謂其仁心有以名之者其解鄆父
老請留于朝以千數止之莫可非慈惠有以懷之衆
心雖令孰從焉故是天子至於公卿大夫皆以其才
為可任不以恩澤遇之出守陝邠仁宗賜御詩寵
其行又嘗暇日援神筆書其姓名因以賜之蓋有以
東于清哀者矣文簡餘慶寢以蕃衍公于宗為長若
親屬吉凶艱乏之事撫存周急恩意均至諸仕宦于

四方死喪在遠久未克葬者日月益多公積俸累歲
并萬年主脂沐之賜皆千萬餘計足以集大事一日
請于朝諸族人之在外官者會于京師凡舉六十四
喪合葬于魏公大茔之次中外莫不高其義茲固有
以厚風俗美教化豈但施乎家人之道也哉治平中
英宗皇帝為今上納妃于向氏而命公主嘉禮禴
翟羽儀率由先典上登宸極爰正中宮乃今定國
軍節度使觀察留後經之女經公之姪也公糾勵宗
門尤自抑畏蓋居家理故治可移于官位不期驕祿
不期侈非守之以禮行之以義克保令名夫亦鮮哉

歷官自內殿丞制五遷至西京左藏庫使東西上閣門四方館使多由課陞間因才舉罕以年勞叙進也歷職事奉輿輦典軍器帶御器械翰林引見皇城司三班院會靈醴泉觀三司戎廷十主蕃客國有大禮若大故必預焉自潞州以使歸闕便醫久之良愈復知汝州遂薨于官下享年六十有五寶熙寧七年七月十八日優贈昭德軍節度使 聖上愴悼命護其喪還京師三宮遣內宗臨奠恩禮殊渥即以十月某日就寔豐臺之厚奉常按狀上議以為公典才郡有惠政人安樂其治所至以最聞不以富貴驕人斥

已之餘以調宗族臨民不撓行潔清故舉謚法愛民好與曰惠好廉自克曰節令二法以易名曰公資愷易謹密和而有守出入禁省金璫綺襦羣居並游挺然中立止親疎之迹善與人交篤于風義長于治民知簡易之體不恃不求亦何用而不臧矣曾祖諱祖諱烈考相國並贈太師尚書亦兼中書令進封許曹魏三國四男縝內園使繪贊善大夫早卒緝西頭供奉官摠右侍禁四女適比部郎中劉官皇城使曾諶國子監修撰經義檢討練亨甫次在室孫干一人銘曰

穆之厥聲 湯孫多仁 王子出迪 為周室賓

支別自欽宗 廟諱 有邑于向 邈及皇朝 始出將相

允顯魏公 文武惟憲 弼亮昭辟 篤循大卞

德厚流光 乃終有慶 公承其休 世家以盛

姑繇任仕 亦緣戚恩 爰及蒞官 則以才伸

行既信厚 資復安重 職近地親 益彰諸用

帝曰汝器 才譽允穆 曾是好惡 爰錫之福

試之治民 所至稱治 民罔常懷 懷于爰利

不矜而嚴 古之惠人 不苛以簡 道豈云遠

義敦于族 存亡以篤 行成乎身 有微風俗

駕言徂汝 宗姻出祖 素蓋過歸 號迎于路

所享宴晉 作善降祖 呼嗟旌旄 乃以追錫

奉常考功 表之節惠 沒而不忘 流徽永世

國門可望 豐原故林 勒銘樂石 式昭德音

宋故端明殿學士金紫光祿大夫行工部尚

書致仕上柱國太原郡開國公食邑三千八

百戶食實封一千二百戶謚懿敏王公神道

碑銘 并序

公諱素字 其光大名莘人曾祖五代唐宗在時

左拾遺祖國初以尚書兵部侍郎知制誥始家涼下

著籍開封考以太尉相 真宗並贈太師尚書令兼
中書令封魯晉魏國公景德祥符間天下無事生民
安樂功生垂統號稱太平太尉位居朝首執其政柄
故生極隆名歿而後享于廟為一代之宗臣盛矣其
薨也 章聖問諸孤公猶未官更以嗟惻始授太常
寺太祀服闋特遷大理評事召試學士院賜進士出
身復召試擢通判潁州更懷州許州三遷大常博士
近臣荐其材高復召試賜五品服凡三試禁林當登
館閣之選每以大臣親嫌見抑出知濮州年尚少下
規望有大姓倚要人橫猾公彈治竟法吏民聳懼政

有能名河決始復故道轉運使按瀕河之田檄郡縣
增賦公上言流散方歸正宜保息特詔毋得增賦自
濮七州之民皆被惠秩滿領宣州未行御史中丞孔
道輔舉充侍御史未幾道輔外補公亦出知鄂州荆
湖一道配民率口鬻鹽公持利害不從鄂人獨免徙
宿州慶曆初夏戎阻命契丹來渝平 仁宗格以至
誠羣醜自懷益修政事首增諫員召公自宿知諫院
同判國子監恇情敵替多見嚮納皇子生將大慶賚
公言西師尚嚴勞臣在邊士苦戰戍之勤民疲齎送
之役而金幣散于不急爵祿加于無功慶賚非宜朝

諫為止論天下貢士不得才行之實請罷餽名以取
誠士論郡國置學校擇師官以漸復里選之法論中
書凡中外奏事不即裁定輒下近臣集議蓋執政者
莫肯任咎為此紛紛集議由是稀濶論請置官三司
會校國計省諸冗費以不訾仁宗間御天章閣召
二府出手詔訪時務公因列數闕政十餘條皆人所
難言者他日帝坐延和殿特召賜三品服尋遷天
章閣待制領淮南都轉運按察使時初加按察之名
以假司官之重奉使者作以峻苛為稱職公獨處之
以平易惟貪暴吏莫容焉故事更易二稅致羨錢上

供以自為勞公徹其蔽朝廷間而善之舉以戒諸路
就遷涇原路經畧使知渭州有操權者不悅公伺覈
危之河東轉運使因事被劾辭有及公者坐徙華州
按推者與公薄親而不以聞又坐是奪職徙江州未
至改汝州徙潞州丁太夫人袁氏憂服除知兗州還
待制復知渭州就拜龍圖閣直學士還領三班院遂
除樞密直學士知開封府至和二年仁宗不豫內
外憂恐秋大雨水蔡河堤壞墊安上門漂沒軍民廬
舍中旨遣馬軍帥范恪塞朱雀門公密啓止之衆心
以安公白今茲惟宜鎮靜精察姦盜爾故獄市無擾

京下蕭然于時親者謂公處動危時得體閱歲遷龍
圖閣學士定州路馬步軍都總管安撫使知定州尋
除翰林侍讀學士知益州益部會府宴設稅費為錢
數千萬取給牙校習以為常公為裁節所損幾半川
峽用鐵錢諸鹽歲課嘉邛苦之公請停鑄而貨幣以
平閬市無乏漢中飢遣振廩而後而後以聞朝廷適
恤而奏至見謂適便宜公臨下有怒簡而易從條教
明審人情安便故西州之政蜀人紀之代還復知聞
封府嘗建請置使院判官主賦役之政令置八廂官
以決小罪置登放司勾朱官以檢稽違後皆施行稱

便以之請解領羣牧使請補外知許州英宗初羗
入平涼塞連犯堡寨朝議擇師謂無易公者除端明
殿學士復知渭州邊人間公主曰無事矣虜積服公
威信即解散既下車境上恬然公三帥平涼御將卒
有恩潤畧不苛急人皆樂為用臨事毅然不可犯也
時謂三邊統率公稱最初在平涼部將蔣偕築堡境
外為虜要擊間道竄歸公貫令往復訖投總管狄青
曰偕往必復敗公曰偕死君行矣偕知不可徒還故
以死就功而堡竟立有番官密悉天水羗也粗有計
畧羗虜所信前帥欲羈縻之請以為諸族巡檢事下

公議公數其罪械送本道中路止去諸將請重購之以絕後患公曰是烏足以為者不購亦竟無能為一日方燕饗邊民驚譁奔入城將佐請闔門防姦變公曰妄相恐爾寇至吾不知也傳令散妄有言者斬俄而自定衆服其明決西陲諸路內屬番部因事實留老有至老死不得出公閱其籍情非甚惡而繫久者戒諭散遣之莫不感悅弓箭手邊勁兵也先有千餘家在境上無城柵寇至莫自保公築八堡分處之老幼感泣曰自此有生計矣舊事弓箭手人騎分領于東西路巡檢公曰是屬官但給田使自衣食聚而役

之是廢其業趣使就耕有警則發之故戰士競勸懷于自効拓州之西南濬城隍三周無慮二十萬工而民不知役謂人刻功於石畫像以祠改澶州廉察知成德軍真定府路安撫使太原帥闕上頤謂輔臣河東節制四路其議宿望以行柄臣以上應詔復端明殿學士遷尚書左丞河東四路經畧安撫監敷使知太原府汾河暴溢命築諸隄防之缺曰匪平晉勢必及既乳而水果至不為害年大發殺公私粟蠲諸賦救荒之政甚設民皆獲濟還朝知通進銀臺門司下封駁事以疾請外補留提舉醴泉觀復請知汝州

樂全集 卷三十一
歲餘疾稍侵遂請老以工部尚書致仕錄博士及此
凡歷尚書省員外郎侍郎郎中並三遷中間除諫議
大夫給事中澶州青州觀察使尚書左丞而以冬官
老焉故事致仕雖三公無兼職者朝廷初立新制公
首以學士就第公宰相子自勵學問潔操行與游皆
時俊故事論不敢以世家子弟等比臺省清要官缺
物望必及之資尤勁善談論及為御史諫官論事
上前不撓權勢不顧嫌忌稱為敢言侍讀經閣至于
前言往行必精切開說因以諷勸 仁宗常命公悉
上御史諫官時所論事間省閱之蓋有簡于 上心

者深矣晚之汪原 英宗面諭曰朕知學士以矣邊
有警其勉以行且及進用意公還在道 英宗疾大
漸猶問輔臣王甚至何所公至會 英宗上僂遂赴
真定 上亦舊聞公名其往汝州謂之曰汝非卿所
宜處從所便爾性愷易無城府善與人交久而彌篤
早從公游及所常獎荐至于幕府文武間登公卿或
至將相而父虜之自如也熙寧六年三月甲寅薨于
京師享年六十有七 上聞為輟視朝奉常易名曰
懿敏公生長富貴及解紱私第葺虛齋悉屏平日玩
好陶器野服放懷方外至于啓手足神志不亂泊無

恒化五月庚申歸墓文正公先莹文集二十卷藏于
 家娶李氏同安郡夫人禮部尚書維之女滕氏安康
 郡夫人給事中涉之女張氏永嘉郡夫人太傅士遜
 之女九男厚將作監主簿早世固大理評事堅光祿
 寺丞鞏本碩大理評事凝祕書省正字常奧將作監
 主簿二女適將作監丞李詳文居中僕與公義兼姻
 友故得詳為紀述後之載筆者有以傳信于斯文銘
 曰

家有賢相 太尉魏公 昭事乃辟 于變時雍
 公其才子 祇服是似 決之太風 德音載躋

吳興陶氏少錄

惟國之良 于朝有光 令問令望 金玉其相
 御史諫官 世家鮮處 帝曰惟才 獨蒙察舉
 不將不迎 直躬以行 思我王度 尚有典刑
 國之重防 守在三邊 公秉帥節 于蕃于宣
 卒乘輯睦 農狎于野 赤囊弗馳 壺歌以雅
 英皇有言 公余舊知 圖任共政 既而命之
 召自平涼 緞衣已沒 攀胡靡及 朔門復輟
 巖廊訐謨 匪咎匪朱 時莫我與 將誰不如
 汝海之行 依之懷止 駕言于歸 遂置君事
 幅巾虛齋 蕭然遺照 回閱平生 悅如夢覺

人生而靜 泊湛諸情 公將北首 靜如厥生
聖人貴真 真謂性命 公乎庶幾 知終以正

樂全先生文集卷第三十七

樂全先生文集卷第三十八

墓誌石記文

贈賢妃俞氏墓誌銘

國朝憲章古制敎建內官上法天極以正四妃之位
外公卿職而修九嬪之教所以順承后治燮諧陰禮
品儀異數備存甲令謹按贈賢妃俞氏 仁宗皇帝
昭儀也吳越著姓世仕蕃朝曾祖承遜女為錢忠懿
王淑夫人從倣歸國終于睦州刺史祖仁祐東頭供
奉官閣門祗候父振左侍禁妣陳氏贈東海郡王洪
進之孫女良奧或家善祥保世慶鐘和媛光膺天福

景祐中海寓熙寧 帝臨御已久而堯門未啓甲觀
 尚虛妃早序金環之渥首當彤管之記三年就館始
 生王子太師宜銅律之和詞臣獻郊謀之賦燕朝稱
 賀未舉慶觴拓館不留空遺文祿追賜名昉封褒王
 魏王復贈懷靖太子今封周皇越二年生皇第二女
 號崇慶公主四歲亦薨追封楚越國今贈唐國長公
 主妃以載誕承恩始封延安郡君進拜美人婕妤充
 儀昭儀贈其祖右屯衛將軍父右領軍衛將軍妣京
 兆郡太君錄其弟祐之東頭供奉官佑成左侍禁諸
 姪皆登仕嚴澤及宗榮陪戚里 仁宗享國四十二

吳興甫氏抄錄

年抑畏持盈始終如一 中禁位號不必備惟其人高
 華洵淑登六儀之列者無幾亦可知其選也 昭陵
 發引號茶以從復土還宮結款感疾治平元年六月
 薨享年四十有四 上惟 先帝諸嬪之舊悼賻有
 加策贈賢妃用優典也命楚國保寧安德夫人景氏
 主喪禮宣慶使安靜軍節度觀察使入內內侍省都
 知任守忠護葬事葢塗于開聖尼院以十月二十三
 日就窆窆於奉先資福精舍之東園鹵簿儀仗率從
 其品初妃年八歲以選合法相入充掖庭笄總韶秀
 慧心警敏夙被傳姆之計旁漸公宮之學鞏悅組紉

音奕書繪耳目經涉妙通多藝嘗請國子監書籍特
 蒙給送以資繙閱玩味圖史摘辭揆麗時獻歌頌雅
 承賞激 雲章宸製輒賜屬和授毫賡進不移晷漏
 數捧神筆侍為飛白退而灑翰亦習工焉康定初夏
 戎叛命西師在野謂減俸賜以賜興費後邊患息還
 給本秩堅求停罷又昭儀歲久屢有恩旨叙遷逡巡
 遜免竟不成命初拜充儀特賜冠衣盛服櫝而弗敢
 御也至是舉以祿焉在寵不驕持諫自牧四德之懿
 知其有人特詔近臣俾刊樂石非惟漏澤泉扃傳芳
 內則蓋亦亦美地於家邦本德音乎椒掖謹系之銘

吳興甫氏抄錄

曰
 泰一常居 後句四星 爰叙內職 承尊紫庭
 先朝謙儉 位號尤鮮 惟德肅雍 式登于選
 有婉賢妃 垂髻英妙 好是圖史 亦絢華藻
 見禮謀庭 帶以弓韜 如榮黼渥 錫之冠服
 心無傷善 志存憂國 諧我雅風 允悃嬪則
 龍駕上賓 鸞旂西御 青蓋莫留 素帷永慕
 文明繼統 慈壽開宮 方承幄惠 倏閱音容
 掩寵箔兮遂無還 就幽窆兮祇園 悵流景之道
 盡 撫絳紗兮尚存 辭栢城兮東返 懷舊恩兮

未遠 侍玉衣兮下宮 往言歸兮何恨

秦國大長公主墓誌銘 并序

秦國大長公主 仁宗皇帝第九女也母曰淑妃董氏嘉祐四年四月二十五日誕生嘉祐初 仁宗違裕淑妃奉侍勤瘁 帝心察而怜之眷遇甚渥故主愛亦隆五年封福安公主八年 英宗纂御進封康國長公主治平四年 今上踐阼加號鄭國大長公主閏三月二十三日薨年八歲主雖妙齡地居尊屬在 仁宗有兒女之寵於 英宗處天妹之重 今上當太主之貴而 太皇太后盡鞠育之慈 皇太

吳興陶氏抄錄

后敦諸姑之好可謂生而極盛榮之致也主既終三年之制復值大行之恤性資純孝情深攀舉日課佛經間或蔬饌積毀癰疾感疾遂侵 三宮軫懷日就臨問親省醫劑奄然無瘳美玉韜華明珠晦色琅函金簡應圖牒以暫來喬雲景星見光靈而遽返中闈傷慟掖庭哀送四月二日最塗於奉先資福精舍上為輟視朝五日追禭秦國大長公主秋八月從英宗皇帝龍韞歸窆 昭陵外域別用鹵簿儀物以從蓋舊禮也有銘近臣刊辭樂石銘曰
月渚仙娥 星潢帝女 周美天妹 漢尊太主

初解文祿 承禧紫房 穠華鳳彩 秀色龍章

素瑟未工 玉簫方習 黼倕愛隆 雲駟迴急

三官慈渥 五陵神隲 逝不可留 吁嗟太早

皇叔祖推誠保順同德亮節崇仁守正佐運

翊戴功臣寧海平江等軍節度管内觀察處

置堤堰橋道等使開府儀同三司校檢太傅

守太保兼中書令杭州大都督府長史使持

節蘓州諸軍事蘓州刺史上柱國襄陽郡王

食邑一萬五千四百戶食實封五千戶贈太

師尚書令兼中書令追封定王墓誌銘 并序

吳興陶氏抄錄

王諱允良字公彥 太宗皇帝八子而吳恭肅王最

幼尤寵焉 章聖緣 先帝意友愛如厚以不就外

即故以大中祥符六年生王於東宮母康國太夫人

劉氏天禧四年先王為言能勝衣趨拜一命右千牛

衛將軍方八歲越二年 仁宗踐阼遷大將軍舒州

刺史天聖中始預朝叅解將軍正授泰州刺史俄除

潁州團練使徙單州明道二年天下乂安朝廷講稀

潤之典劬農務奉 帝躬籍於千畝王預九推之位

禮成覃慶遷鄭州防禦易蔡州陪祠南郊進安州觀

蔡使以之改鎮國軍節度觀察留後慶曆元年景至

大祀圓丘王備終獻陟降惟恪四年恭肅王損宮寢
仁宗深惟祖宗基統之重蓋具潭 太祖之昭也潞
許邢潤蘇華燕 太宗之穆也至是薨謝無存者思
盤維之重慮深長之本細議崇建威藩以屏王室於
是以華原郡肇啓王封既而拜安國軍節度使皇祐
二年冬祀明堂 帝奉玉幣既交於上下神祇慨然
嘉與天下均受靈貺推恩中外加中書門下平章事
換鎮江軍節旄至和二年檢校司空領泰寧軍節度
嘉祐元年行恭謝之禮王陪祠登獻七年祫享太廟
除開府儀同三司兼侍中彰信軍節度八年夏 英

吳興甫氏抄錄

宗纂御王以叔父之尊檢校太保兼中書令泰寧軍
節度改封襄陽郡王治平四年春宮車晏出 今上
踐阼王以苦末弱猶能力疾趨入盡號慕之哀真拜
大保杭州大都督府長史寧海平江等軍節度哭而
出疾遂篤尋有中詔俾朝朔望以優尊屬甫逾月而
薨王姿表粹美氣質溫厚服寵四朝惟一心 仁宗
之仁周於萬物而仁之所施常自親始肆其眷侍宗
室恩禮隆密朝廷之暇佳辰令節合族綴親醮於內
朝如家人禮王於天屬至近行統而節和故被遇為
渥賜以 御筆飛白書王既刻石以進則徧錫公卿

樂全文集 卷三十一
近臣嘉顯之王如修威儀矜莊自喜燕居裕如也趨
朝肅如也侍祠恪如也性寬易左右侍御小過失未
嘗譴責甚者詰之亦怡而弗厲以于其側者莫見愠
色永嘉郡王王之仲弟也其子宗綜早孤王撫育如
所生王既薨宗粹請服三年議者因以嘉王之仁心
長者頗好篇詠感物吟諷詩有風味佳句俸賜厚矣
未嘗有蓄也府藏出入未嘗披其籍亦不問其在亡
國朝之制不屬宗室以吏事優其祿秩異其寵章列
卿京師以奉朝請為選儒學士切磋講習廣之道藝
而已所以篤親親之恩不使任責惇叙糾合別於庶

吳興甫氏抄錄

姓者也然間有縕才業抱器憲者不偕子用齊志以
歿故執冊者無得而書不然屬籍之功名豈直漢唐
之比盛歟治平四年三月二十六日甲戌薨享年五
十有五訃聞天子趣駕欲往臨哭有司言大行梓宮
在殯而上輟視朝立日成服於苑中文武班慰於崇
政殿門贈太師尚書令兼中書令追封定王閏三月
甲午菽塗於正寢之西楹八月癸酉 英宗龍輜西
引從葬於河南永安先王之塋英國夫人張氏祔焉
夫人橫海軍節度使贈太師尚書令美之曾孫女果
州團練使士宣之女子八人宗絳右龍武軍大將軍

柳州團練使宗蘭右武衛大將軍台州刺史宗史宗
 劾宗易右監門衛將軍餘早世女八人曰金堂縣主
 普寧嘉興延安安定同安普寧郡君皆已有適其一
 幼孫七人仲竣右監門率府率早世仲蒼右率門監
 府率餘皆幼遠日有期奉詔紀實銘曰

神宗之穆 燕為寵王 恭肅之愛 亦鍾襄陽

體自天人 虎蔚龍章 肆得靈稟 敦和以莊

勝衣奉朝 雅有嘉問 寵章麗澤 康侯以晉

迺啓華原 荐更四鎮 淑旂縷章 兼綰相印

迨事四朝 屬尊位崇 歷長三省 訖登上公

吳興陶氏抄錄

并帥全吳 兩藩之雄 別建亦社 江漢是封

有家開基 百年光大 極盛積隆 德周無外

重仁累慈 恩光治內 天生得辰 與國同泰

帝坐路朝 一日萬機 昧爽丕顯 居安思危

王居深宮 以燕以嬉 五十五年 始終盛時

王享多福 四朝盛德 亦惟淑懿 錫汝保極

嵩洛佳原 五陵接域 往從先生 返此幽室

皇從弟故推誠保順翊戴功臣安靜軍節度

使梓州管内觀察處置等使金紫光祿大夫

檢校尚書右僕射使持節梓州諸軍事梓州

樂全文集
卷三
刺史兼御史大夫上柱國天水郡開國公食
邑六千六百戶食實封二千一百戶贈太尉
追封永嘉郡王墓誌銘并序

王諱允迪字德謨燕恭肅王之第五子 太宗皇帝
諸王恭肅最幼鍾愛焉 章聖嗣服緣先帝意加親
寵故久不就外郎大中祥符甲寅歲生王於東宮天
禧四年遇承天節始賜名一命為右千牛衛將軍
今上踐阼推恩內外褒進咸藩以翼王室除大將軍
領和州刺史久之罷將軍改崇州俄拜唐州團練使
明道元年宸居落成肆大旨徙濟州躬籍千畝王預

吳興陶氏抄錄

九推之位禮成均慶遷諸州防禦使進靜難軍留後
慶曆四年制授安靜軍節度使蓋恭肅王嘗領是鎮
而王繼焉宗藩榮之是歲先王捐宮寢 聖上慈仁
誠孝至性自然寅畏天地虔恭祖考惇睦族屬以御
於家邦嘗欲以是風天下納民大順恭肅之薨也以
叔父之重悼恤尤深而王執喪有不及禮者降授右
監門衛大將軍克自修省循禮謹度尋改密州觀察
使六年復安靜旄鉞王素康盛至是感疾良美中貴
人挾上醫診視內出萬金劑以賜撫訊相及於路疾
遂革慶曆八年三月己未夜漏十刻以不起聞享年

三十有五 上聞震悼厥輦如其即臨哭之之廢朝
五日丁巳 上成服苑中文武班慰於崇政門楹以
太尉章綬追封永嘉郡王凡賻賜率加等焉太常節
惠謚曰思恪詔太鴻臚持節典喪事四月癸酉塗蕞
於寢易官以寔事令龜先遠日維六月癸酉吉未引
紼宣徽北完使李昭亮辭赴三城故事置餞酒于垂
拱殿以王在殯為之徹樂五月甲寅其鹵簿鼓吹麾
幢旌節導輜以西塋河南之永安陸安郡夫人張氏
祔焉夫人德象婉嘉壺闈之範載命不淑方華而殞
繼室昭國夫人錢氏忠懿王之孫女志尚清淨不安

吳興陶氏抄錄

其家懇請遜於洞真宮遂賜道士冠服名曰修真號
和正大師子四人曰宗粹右監門率府副率三皆天
逝女七人長早卒贈江華郡君次並在室王姿采秀
發氣志果勁性開敏豁如也陟獵書史畧通大義留
思篇詠風體爾雅曉音律善射命中得和容之妙
國朝之制不屬宗室以吏事悉留京師以奉朝請若
永嘉之果以敏使之從政亦足以發若夫被化麟已
趾承華棣萼靈長憑厚體聯上帝之孫顯重崇高族
系天王之弟昌辰累洽丁慶祚以同安聖度廣容靡
巖顏之懷懼宴寧譽處生榮歿哀方之前朝王享備

矣百福具有不至者年天實命之何嗟及矣臣職在
史觀且司宗籍承詔譏識敢不直書銘曰

訐訐梓潼 蜀劍之東 先王相攸 實啓榮封

帝念叔父 建爾仲子 纘其節旄 但多受祉

仙源懿親 詵詵振振 祖宗諸孫 其在五人

堯心受度 仁覆寰宇 豈其本支 不貴以富

胡然乎天 不與之年 奄違昌時 而歸幽泉

言伏森列 悲茹慘絕 有袞者車 挽緇晨發

嵩洛之陽 三陵相望 體魄就寧 下從先王

左武衛大將軍沂州防禦使贈從信軍節度

吳興陶氏抄錄

觀察留後漢東郡公墓誌銘 并序

平陽懿恭王子十七人漢東於伯仲為第六母曰崇

國夫人王氏而漢東乃會稽縣太君黃氏所出公諱

宗回字晞聖生九歲賜名授官右侍禁景祐中會

朝廷以環衛叙宗子於是以東頭供奉官除左千牛

衛將軍累遷至左武衛大將軍沂州防禦使年五十

以疾終時治平三年二月戊申也訃聞輟朝一日告

贈崇信軍節度觀察留後追封漢東郡公四月乙酉

權厝于奉先資福佛舍四年八月癸酉從 英宗龍

駕往祔先王之塋累階金紫光祿大夫檢校右散騎

常侍兼官御史大夫勲上柱國爵開國公食邑三千七百戶真食七百戶漢東儀度峻整好學隸書曉音律善騎射平居寡言莊色儼如也有至性年十一喪平陽號踊不自勝若成人日及會稽歿毀慕癯瘠宗族稱其孝晚年篤信釋法不以世累榮其心審祭内外之事屬于其配忘懷委順以游乎方之外夫音伎之樂玩巧之好乃富貴之地耳目之所常湛沒者是之弗由而獨遠離苦集之途庶幾真常之境推其所尚天下一致而百慮同歸於為善而已夫人隴西郡君李氏克勤內則恭順宜家公之所以得不為塵事

吳興陶氏抄錄

所嬰以夫人幹家之蠱有餘裕也子二人仲華仲洽並以將軍領雅州昌州刺史皆端固修立女三人長適左侍禁李彥明次適右侍禁倪良士次尚幼孫三人士衛縱右千牛將宜士憑士鉦並皆右監門率府率孫女八人俱幼銘曰

孝哉漢東 至性天得 永懷二人 哀哀罔極
薄諸可欲 忘懷世累 將超於彼 自歸覺地
知此如幼 孰為延促 往從先生 離嵩之麓

宗室金紫光祿大夫右屯衛將軍檢校太子
賓客兼御史大夫騎都尉天水縣開國子食

色六百戶贈潁州防禦使汝陰侯墓誌銘序并
汝陰諱宗育字德之太師尚書令潞恭憲王之孫安
遠軍節度使密國公允言之子源深光胄自流太
宗國家篤親親之恩睦於公族天聖二年始賜名以
右侍禁入備內朝稍遷東頭供奉今上躬擐萬機
趨拜內殿承制兼視賓護副相之秩尋屬園壇類帝
陟配文帝乃眷肺腑便蕃渥典於是進加右屯衛將
軍賜階金紫光祿大夫列爵五等衍食采地六百戶
不幸感疾才三十而歿時康定辛巳秋七月也訃奏
上聞震悼有加申命內司賓內謁者臨弔治喪事祔

吳興陶氏抄錄

以潁州防禦使汝陰侯印紱權厝普濟積藍後三年
甲申夏四月從燕恭惠王之鹵簿往寔河南永安縣
寶祔先王之塋惟汝陰資性溫愿涉詩書點翰有措
法問喜武戲尤精射御方將承寵嘉輔熙隆而降齡
弗修其命也夫夫人濮陽吳氏故領軍衛將軍无慶
之君封本郡君勲門戚里姿德兼茂子三人長曰仲
堯右內率府副率餘皆夭闕一女亦不育有詔掖垣
俾議幽窆銘曰

汝陰綽綽 器槩宏博 以善為樂 龔寵軒綏
駁庭侍祠 在宗有儀 當鐘遐社 森曉麟趾

樂全文集卷之六
收神遽已 鞏樹伊流 陂陀新丘 球石傳林

宗室贈右屯衛大將軍仲考墓誌銘 并序

仲考字晞尹魏恭憲王之曾孫平陽懿恭王之孫右龍武軍大將軍丹州防禦使宗產之子皇祐三年四月生至和二年始賜名授太子右內率府副率嘉祐八年英宗皇帝踐阼改右監門率府率治平四年今上即位遷左千牛衛將軍五月甲申以疾卒享年一十有七訃聞輟視朝一日贈右屯衛大將軍權厝普濟佛舍八月癸酉從大行靈駕塋河南永安以祔先王之塋累階金紫光祿大夫勳上護軍爵開國子

吳興陶氏抄錄

食邑六百戶娶王氏一女惟屯衛幼而岐嶷長而嚮善方朝廷設官立學以導宗子於德義而不得遜志進修以成其之才之性為可傷矣觀其臨終之辭與父兄相反覆而愛順之心尤足悲者矣銘曰

幼女稚妻 常情在茲 逝將去汝 云胡不悲
此愛能輕 是有剛節 獨於父兄 咽不忍絕
乃其性資 知義所存 雖不享年 期明不昏

皇姪孫銀青光祿大夫檢校國子祭酒行右監門率府率兼御史大夫輕車都尉贈領軍衛將軍仲郢墓誌銘 并序

領軍諱仲郢謹稽屬籍惟 太宗皇帝之元子曰潞
恭憲王生密國公允言密公生初國公宗說初公男
子二十三人女子二十五人為領軍之兄妹者二人
焉蓋疏潤星潢擢華月幹慶基憑厚昌緒隆遠矣領
軍姿貌端秀性稟明悟始就外傳屹然佩鞬有成人
之志嘗侍 上射苑中攝弓操矢得襄尺剡注之體
屢中正鵠賜賚加等復能留好文史吟詠自娛尤喜
篆楷二正歐陽筆法猶遠其勢孝友恭順本諸其衷
事親婉以從令處子舍莫有失愛者入朝廷繇賓贊
而威儼儀如景祐三年始賜名授太子右內率府副

吳興陶氏抄錄

率慶曆四年遷右監門率府率以慶曆七年四月二
日疾感而卒享年二十三 皇帝以諸孫之悼輟乘
拱朝一日遜以領軍衛將軍印綬殯于奉先精舍八
年六月六日從永嘉郡王之鹵簿往窆永安瑩域礼
也娶郭氏三子長曰某率府率次日某率府副率季
未名四女並在室噫稟生如此其粹也憑慶如此其
隆也降年不永是以祿位器志皆未之究已有詔史
官為之職銘曰

神宗之穆 既蕃既昌 初公之子 詵詵且良
洵羨領軍 翹然而秀 貴可踦待 不俾以壽

崧高之麓 天啓佳城 憲園祔窀 體魄維寧

宗室故銀青光祿大夫檢校國子祭酒行太

子右司禦率府率兼殿中侍御史騎都尉世

褒墓誌銘 并序

宗室吳潭二即 太祖皇帝之穆也潭康惠王德芳

生昭信軍節度使兼侍中英國公維憲英國生金州

觀察使從郁司禦蓋金州之第三子諱世褒字保華

以真宗朝天禧己未生明道癸酉始賜名補右班殿

直預內朝尋改右侍禁景祐乙亥遷階銀艾行太子

右司禦率府率視秩國子祭酒寶元中兼殿中侍御

吳興陶氏抄錄

御史賜勳騎都尉慶曆元年十二月十三日邁疾終

于邸院春秋二十有三權塲于普濟佛舍越三年舍

在甲申夏四月癸卯從燕恭惠王鹵簿葬于洛陽永

安大莹夫人安氏無子司禦方雅信厚公族之秀幼

知好學涉通諸經善行草書尤好虞褚筆法畧得其

妙近事諸皇族鮮出補外官悉留京師亦不釐務為

選儒學官切磋講習外朝請而已此朝廷奉親親之

義敦睦糾合所以別于庶姓不責以事然間有縕才

慮抱器識者不偕于用齋志就歿故執冊者無得而

書焉銘曰

樂全文集 卷之六
太祖之穆 在潭啓封 君其曾孫 源深基隆
雅重者性 粹厚者志 言用與才 則未嘗試
蕭蕭馬鳴 悠悠素旌 往從先王 永安之塋

徐國太夫人墓誌銘 并序

禮惟大昏之重以其合二姓之好繼萬世之本也矧
皇胄宗子天家之貴其聘納之選非冠冕德門忠孝
之族孰當焉潭康惠王之仲子故侍中英國公諱惟
憲之夫人曰和氏王考諱凝相五代晉位至右僕射
太師尚書令考諱嶧殿中丞母彭成縣君劉氏夫人
體質閑淑德音有度既就壺教稱賢姻党祥符癸丑

吳興陶氏抄錄

歲殯于王家事尊撫卑夙夜匪懈寬和敦約動循禮
法丙辰歲英公捐館晝哭過哀常好文翰通曉音律
是後不復治習稱未亾人誦貝葉書奉金遷之教諸
孤幼稚均養如一莞居二十年上下無間言者乾興
初封汝南郡君明道二年進莒國夫人慶曆丁亥孟
春感疾羸繭 上遣中貴扶醫診視人諸子益購高
手療之莫瘳以七月二十一日薨于寢享年五十有
六追封徐國太夫人 上問而悼之賻恤加等遣內
人省其室詔使護喪事為菽塗奉先精舍戊子六月
六日歸祔英公于永安塋禮也男子四人長從郁終

于金州觀察使次從式左千牛衛大將軍彭州刺史
次從湜左千牛衛大將軍循州刺史次從賁右監門
衛大將軍女十二人長早卒次封齊安宣城懷德廣
樂晉安安定高平仁壽郡君諸季早夭嗚呼夫人其
為女也靜而婉可謂有形管之法其為婦也順而正
可謂有采蘋之行其為母也慈以均可謂有鵲巢之
德用節義著于宗戚恩禮厚于宸眷史能臣執簡宜
有識矣銘曰

展矣英公 宗之彥兮 猗歎夫人 邦之媛兮
自我于歸 上下宜之 樂只君子 福履綏之

吳興陶氏鈔錄

云胡不淑 公不偕老 我逾中身 則已壽考
云胡多慶 子皆克孝 承顏無違 服我慈教
自兮公忽 我心缺兮 半甲子兮 從于穴兮

室宗武右衛大將軍黃州刺史令稼夫人壽

昌縣君李氏墓誌銘 并序

壽昌縣君李氏故右監門衛將軍言之孫故右侍禁
祺之女于今 皇太后為外族治平三年八月歸于
右武衛大將軍黃州刺史令稼武衛迺冀康孝王惟
吉之曾孫廬州觀察使廬江侯守度之孫舒州刺史
世括之子壽昌既歸事舅姑如父母事其夫甚恭愿

和順之性出于自然每黃州之講學也承奉尤祇勤
輒躬饌以待蓋喜其良之遜志自修也且曰富貴而
能為善吾心樂哉蓋知內助之益者歟四年五月辛
丑以疾終享年十有九六月己酉殯于普濟佛舍八
月從 英宗皇帝靈駕葬河南永安女一人始育黃
州宗室之秀而壽昌才德婉淑宜與之偕老而遽然
以逝亦可悲矣銘曰

生也猶幼 性也本真 幻何延促 真不可淪
嗟 夫人 所稟之純 惜哉奄忽 以還氤氳

宗室太子右司禦率府率宗彥夫人張氏墓

吳興陶氏鈔錄

誌銘并序

夫人姓張氏祖遵以材勞更勇爵歿贈邠州觀察使
父文慶左班殿直夫人生而淑麗聞諸姻党時平陽
懿恭王少子今司禦率府率宗彥遴求佳匹協幹宗
事允矣邦媛宜于吉卜乃展禽帛之聘歸于邸第執
笄奠菜婉如肅如懿恭宗藩之望胄緒昌衍夫人協
和娣姒雅有禮法褒封未逮禮華遽零凡好合八年
以慶曆壬午七月既望終于內寢春秋二十四越月
塗殯資福精舍甲申孟夏歸窆洛陽永安從邦族之
大望順也三男長仲寂次仲向並太子右內率府副

率一未名三女詞臣被旨銘其墓曰

懿士女兮 洵美且嫺 嬪天孫兮 弗偕遐年

曉風急兮 卷祥雲 秋霜繁兮 摧芳荃 伊之淑兮

嵩之麓 魂兮歸來安幽阡

石監門衛大將軍仲炎夫人秀容縣君李氏

墓誌銘 并序

秀容縣君李氏 章懿皇后之姪女也 曾祖延嗣尚

書令吳國公祖仁德尚書令秦國公考用和中書令

安定郡王 章懿皇后誕生 仁宗皇帝以外家之

重闕裔光大秀容幼聰惠今 慈壽太皇太后養于

吳興甫氏抄錄

閣中 仁宗選皇族之秀以歸于右監門衛大將軍

仲炎有子五人士良士屏皆終于內率府副率次亦

亾二人幼未名女一人早夭秀容以貴戚之後為宗

室婦盥櫛事舅姑謹恪嚴翼如出寒素無弛怠之意

治平四年三月甲戌以疾終年二十有四權厝奉先

佛舍八月癸酉從 英宗靈駕往葬于河南永安銘

曰

善事舅姑 從夫以順 貴出后家 雅循箴訓

云何先春 凋此芳舜 二子肯堂 尚承淑問

左驍衛大將軍世謚夫人仁壽縣君安氏墓

誌銘 并序

仁壽縣君安氏贈左驍衛大將軍世謚之配祖習解州防禦考惟演東頭供奉官十有四歲而歸驍衛驍衛總冠捐館仁壽奉姑清河郡夫人張氏婦道甚備供養勤恪未嘗不適其意治平二年六月辛卯卒年三十有七四年八月 英宗靈駕西引從窆于永安以祔其夫之塋子一人令業右監門率府率早世仁壽既傷其夫而哀其姑又悼其子于是口不茹葷于不釋佛書痛自勉約如是積年竟先其姑而亡可悲也矣銘曰

吳興陶氏抄錄

無夫何儀 無子何依 苦志靡它 之死不違

勤勞瘁劬 奉承其姑 二紀一心 之死不渝

眷露易晞 秋華易萎 從夫違姑 姑情獨悲

宗室右監門率府副率仲甫夫人魏氏墓誌

銘 并序

夫人姓魏氏曾祖仁浦追封秦王祖咸熙累贈工部尚書父昭文西上閣門使封州刺史秦王國初執政勲在王府故夫人伯祖保平軍節度使同中書門下平章事鄆國公咸信尚 太祖皇帝女許國恭惠大長公主遂為貴戚閥閱益熾夫人年十七有行潞邸

好合五年室家相宜以慶曆甲申六月丁卯云胡不
 淑奄就大夜享年二十有一男三人長某右監門率
 府率餘未名夫人資儀秀靜性稟惠淑輦絲組繡曲
 畫工巧事父母孝事舅姑順事夫有禮遇娣如謙以
 和撫下恩意甚至生大族婦皇族不驕不忌亦婦道
 之難也初厝于普濟佛舍五年四月二十八日後潤
 邸楚國太夫人靈仗婦葬永安大塋宗室之尚制也
 有詔詞臣俾識幽窆銘曰

猗惟夫人

貴戚之生

宗子之殯

逮日之吉

婦以翟茀

庶宜爾室

胡然妙齡

電泡不停

吳興陶氏抄錄

蕙蘭摧馨

柏城鬱々

泉深土實

國之豐畢

丹旒素輿

靈其就途

從先王

右清道率府率世顯夫人高氏墓誌銘 并序

夫人高氏祖瓊以才武典禁兵領忠武軍節度使父
 繼隆引進使陵州團練母金華縣君呂氏夫人生使
 而美秀性且明慧輦使箴管曲盡工巧絃篁音律雅
 通其妙溫靜莊肅天資有裕吳懿王諸孫右清道率
 府率世顯方求淑媛以主內治聞夫人之懿因問名
 而卜之吉遂納幣贄雁以慶曆丙戌十一月歸于吳
 邸既祭于禰室家甚宜入謁中禁儀容有度接諸宗

樂府詩集卷之五
三
黨莫不洽比結禱歲載震弥月方緩帶以為喜遽暮
收華而早謝丁亥十月五日卒于燕寢哀哉若人之
不淑始十有七歲矣厝于奉先精舍戊子六月往窆
河南永安縣之大堂一子曰令典率府副率噫以清
道之宗戚近屬以夫人之世家令範宜夫膺魚軒象
服之寵享鵲巢螽斯之慶琴瑟偕樂福壽相終而推
芳先秋淪精長夜吁嗟乎彼蒼何賦與之獨晉也銘
曰

彼姝者子

温且惠兮

既筭有行

合嘉配兮

謂克享年

福祿萃兮

祥煙彩霞

遽披沫兮

吳興陶氏抄錄

依然手澤

在鞶帨兮

楊且之誓

况相對兮

翩翩者旌

車素邁兮

鏤石紀文

納泉隧兮

皇第八女追封韓國公主石記文

慶曆紀年龍集作噩孟夏二十五日辛亥皇第八女
齊國公主薨出于都城西普濟佛舍以須臾遠宸衷
愴悼有詔追封于韓再不視垂拱朝甲寅為舉哀于
後苑羣臣叙班慰于崇政殿門之外時皇族楚國太
夫人之喪歸祔恭靖王之兆故因其儀仗載聖周以
駟車五月丁卯葬諸永安陵園本朝之故典也公主
以癸未季冬十日實啓謁衣之慶生而明秀自然温

清每省中建道場聞梵唄鏡磬之音輒有悅色以故
嘗依浮圖法號為保慈崇祐大師及是疾良美乃下
制改封于鄆再進大國于齊噫稟和天粹託體帝家
以鍾念于淵慈故存膺于寵數故不遐壽永享多福
早歲逝矣彼蒼何哉不歸兜率之宮親承受記必向
迦維之國還復下生被旨譔文用識幽窆謹記

故鄆國公主石記文

公主今 皇帝之息女母曰侍御馮氏以慶曆二年
六月二日生三年八月十八日卒火于奉先佛舍初
宮闈叢慶荐啓紡博之吉而公主于諸女行第五詔

吳興陶氏鈔錄

穎明秀瓊膚紺髮真天人之相方且詔有司條西漢
之制以疏脂沐酌開元之典以錫嘉號制未及下雨
淫溝癘奄至不淑宸宸春悼乃有鄆國之贈國朝之
故自帝子下逮諸宗室凡未封爵而殤雖追貴一品
不專舉仗衛及是燕恭惠王之函簿將陪墓于永熙
故公主從焉載以駟車大鴻臚持節護行以甲申孟
夏癸卯藏于 莊懿太后之陵域不封樹從舊制也
臣某載筆以某宗譜承詔譔著得詳錄云謹記

宗室銀青光祿大夫檢校國子祭酒行太子
右內率府副率兼監察御史武騎尉仲產石

記文

皇姪右屯衛將軍宗迥之第四子曰仲產曾祖潞恭
 憲王祖贈安遠軍節度使密國公允言母曰河南縣
 君梁氏以康定辛巳十月始育慶曆壬午春三月賜
 名一命為銀青光祿大夫檢校國子祭酒行太子石
 內率府副率兼監察御史武騎尉是歲十一月卒後
 二年夏四月癸卯舉而藏于洛之永安大塋國家錫
 羨詒謀宗姓蕃昌故尊者茅土以昨之卑者爵命以
 寵之枝葉扶疎本根深固羨乎哉隆且盛矣產也不
 幸而天逝亦命而已矣謹記

吳興陶氏鈔錄

宗室右監門衛大將軍世滋故長男太子右
 監門率府率令輯石記文

令輯字君瑞冀康孝二之曾孫贈陳州觀察使追封
 淮陽侯守約之孫左監門衛大將軍世滋之子母曰
 長樂縣君王氏于 皇上為姪曾孫慶曆四年正月
 乙酉生于邸第俄值誕節恩命之名錄為太子右內
 率府副率賜階銀艾檢校上庠祭酒憲銜兼監察勳
 武騎尉八月遷右監門率府率是歲仲冬親郊圓丘
 均慶宗室加散官殿中改勳騎都尉越五年五月既
 望日而天甫及二歲權厝于普安佛舍夏四月坎而

樂全文集 卷三
藏于永安大塋康孝王實 太祖皇帝之孫德厚流
光本支蕃衍矧惟睿聖親親之篤故殤子未違襁抱
而寵錫數加賦命不遐奄違昭世哀哉謹記

宗室右監門率府率仲郢第三男石記文

宗室右監門率府率仲郢之第三男以慶曆三年八
月生五年三月六日天歿贈安遠軍節度使密國公
允言之曾孫左千牛衛大將軍嘉州刺史初國公宗
說之孫也母曰郭夫人密國蓋潞恭憲王之次子其
系實出于 太宗皇帝本朝典故凡宗子賜之名則
加以官若殤子者洒流璿源分華金枝未再周星遽

吳興陶氏鈔錄

隨逝水一命不及非命也夫初厝于普濟佛舍即以
夏五月十二日掩于永安之域從舊制也謹記

宗室右千牛衛大將軍宗訥第四男石記文

殤子潞恭憲王曾孫贈鎮江軍節度使兼侍中郇國
公允成之孫左千牛衛大將軍宗訥之第四子母曰
長樂郡君賈氏康定二年辛巳七月十六日載誕慶
曆壬午七月十五日天卒甫周歲奪于襁抱生未王
命未錫名故無紀者初大于永安佛舍越甲申孟夏
癸卯坎而藏于永安大塋國家源流深長本支蕃衍
諸宗室子垂髫佐餒即就師誨教之方名數目稍肆

樂全文集 卷之八
簡諒拜官賦祿矣故皇屬不患爵位惟不享年末如
之何已茲殤子之所可悼也謹記

宗室故贈潁州防禦使汝陰侯宗育第二男
石記文

殤子潞恭憲王曾孫贈安遠軍節度使密國公允言
之孫贈潁州防禦使汝陰侯宗育之第二子母濮陽
郡君吳氏以康定辛巳十一月載誕慶曆壬午八月
夭卒生未周星奪于襁抱未王命未錫名故無紀者
初火于荐嚴佛舍越甲申孟夏從燕恭惠王墓仗藏
于永安大茔吉壤廣原諸宗室之收宅使逝者而可

吳興陶氏抄錄

作殤子且保于祖父矣又何愴焉謹記

宗室右屯衛將軍宗迥第五子石記文

皇室右屯衛將軍宗迥其第五子以慶曆壬午閏九
月生生旬日而歿蓋太師尚書令潞恭憲王曾孫贈
安遠軍節度使密國公允言之孫母曰河南縣君梁
氏初火于荐嚴佛舍甲申四月舉而藏于永安之大
茔國家推親親之恩雖始生之嬰而莫或遺也其于
惇睦收恤之道亦云至矣謹記

故銀青光祿大夫檢校國子祭酒右監門率
府率兼侍御史上騎都尉仲涵石記文

故右監門率府率諱仲涵左監門衛大將軍宗懿之
長子平陽懿恭王孫潞恭憲王之曾孫也母中山郡
君杜氏慶曆辛巳三月十二日生三月而賜名授太
子右內率府副率兼監察御史是歲郊祀慶成加息
殿中侍御史四年遷令官其年復以加息郊祀改兼
侍御史七年四月二十日卒于邸遂殯于奉先精舍
八年六月六日徙窆于河南永安縣之大茔率府資
性孝謹不好戲弄勝衣就傳學方甲書數墨筆字蹟
已中楷法頗習丹青之藝亦有可觀方將討論文史
趨為善之樂賦命不淑既韶而殞其可哀也已謹記

吳興陶氏鈔錄

左監門衛大將軍宗楷第八男石記文

宗室無服之殤曰左監門衛大將軍宗楷之第八子
母陳留郡君吳氏以慶曆丙戌三月十二日生舉以
文襟粲然珠潔雍樹頤復免于水火以丁亥七月十
三日卒哀哉未名故未之命也其天之遽已積而焚
之藏于奉先精舍戊子六月六日墓永嘉郡王于永
安大塋殤子從與痊焉國家親親廣受以風天下惟
是飾終之典尤為纖悉又詔詞臣為之識納諸幽坎
厚之至也謹記

宗室太子右內率府副率仲郢長女石記文

潞恭憲王曾孫贈安遠軍節度使密國公允言之孫
左千牛衛大將軍宗說之子曰右內率府副率仲郢
其耦汾陽郭氏以康定二年八月始生一女凡二歲
感疾而殞即日從浮屠氏荼毘法而置之法濟精舍
後二歲二在甲申夏四月舉而藏于伊南之大茔夫
古所謂殤者不以成人之禮舉之也本朝惇叙協和
軫懷于夭奪所以廣慈愛之道而立教于天下也已
謹記

初國公宗說第六女石記文

慶曆八年六月六日葬永嘉郡王于河南府永安大

吳興陶氏鈔錄

塋故事凡匱之厝殤者雖不成殤舉以是日寔若瘞
焉今殤女之封用茲典也潞恭憲王之曾孫贈安遠
軍節度使密國公允言之孫千牛衛大將軍初國公
宗說清河郡君張氏之第六女也質秀體淑美哉其
容柔聲下氣嘉哉其言也箴管鞞悅敏哉也其功也
恭孝謹順懿哉其德不幸感疹十一歲而卒也蓋慶
曆七年二月十五日也笄纓之期甫及脂澤之田未
封蘭始薰而霜彫珠將圓而月缺故宗黨所以悼戚
之尤甚也已謹記

宗室右屯衛將軍宗嚴第七女石記文

皇從姪右屯衛將軍宗嚴之第七女以慶曆辛巳十一月誕育壬午八月夭逝火于荐嚴佛舍越甲申孟夏癸卯舉而藏諸永安大茔殤女潞恭憲王曾孫贈侍中郇國公允生之孫生未周星奪于襁抱珠碎掌上蘭摧庭中父母兮兮惜慟何及往安幽坎尚慰二人謹記

宗室右屯衛將軍宗嚴第五女石記文

慶曆甲申舉諸宗室暨諸小喪從燕恭惠王以更而殤女在焉女潞恭憲王曾孫贈鎮軍節度使兼侍中郇國公允成之孫右屯衛將軍宗嚴之第五女母曰

吳興陶氏鈔錄

長樂郡君潘氏寶元己卯十月誕育慶曆壬午閏九月三日遘疾天卒年四歲殤女之始免于懷垂髫佩燧知承姆教習于鞏絲濬發其源本鑲潢之一派華而不秀摧玉樹于先春初火于薦嚴精蓋及此掩于永安之域寶甲申孟夏之癸卯也髣髴弱魂往安幽埴謹記

安德軍節度使華原郡王允良第九女石記

文

華原郡王第九女母英國夫人張氏慶曆乙酉歲六月設悅于門右且示有紡事焉負以文祿舉之于寢

粹然而玉潔粲然而珠媚既孩則顧指戲笑裕如也
不幸病悖先朝露以晞蓋丙戌歲之七月也遂厝槨
于廣福精舍慶曆八年從父永嘉王薨鴻臚護喪以
六月六日葬永安原女亦從而瘞焉華原燕恭肅王
之冢嗣實出 太宗皇帝謹記

左龍武衛大將軍信州團練使安國公從古
第四女道娘石記文


宗室左龍武衛大將軍信州團練使安國從古之公
第四女道娘宜幼真母京兆郡君宋氏以明道癸酉
歲有衣襦之喜幼真天質端秀異于羣兒性復頹悟

吳興陶氏鈔錄

所學輒善組紉餘力尤好筆札日事薰衲誦金仙書
慕習其教待安國公京兆君旁惟顏色所嚮而俯仰
承接于婉若方且總羈就筭卜婦良族容纓未佩膏
育感疾 上遣夫鑿高手以視而藥不効慶曆丁亥
四月十一日卒年十有五矧才德既顯惟有待而發
之惜哉天奪其壽故諸宗党所以悼痛甚焉 上為
嗟惻遂以冠帔將幣有加即厝于奉禪先院 以慶
曆戊子六月六日附窆曾祖渾康惠王之園兆謹記

樂全先生文集卷第三十八

Blank columns for text within the main frame.



吳興陶氏鈔錄

